

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY  
YAMAMOTO  
NOV 21 1958

27

T 5237.47/1332



唐詩類苑卷第一百八

明雲間張之象玄超甫纂輯

哈佛大學漢和  
圖書館珍藏印

雲間杜士全道執甫編次

雲間王徹叔朗甫補訂

梁谿曹仁孫伯安甫校正

人部

送別

岳州宴別王潭州熊二首 張說

絲管清且哀一曲傾一盃氣將然諾重心向友朋開  
古木無生意寒雲若死灰贈君芳杜草爲植建章臺



二

縉雲連省閣溝水遶西東然諾心猶在容華歲不同  
孤城臨楚塞遠樹入秦宮誰念三千里江潭一老翁

奉別張岳州說二首

王熊

長沙辭舊國洞庭逢古人薰蘭敦久要披霧轉相親  
歲月方嗟老江山不惜春忽聞黃鶴曲更作白頭新

二

平生共風月倏忽間山川不期交澹水暫得款忘年  
興逸方罷釣帆開欲解船離心若危旆朝夕為君懸

奉和張岳州說王潭州熊別詩二首

韋嗣立

余昔忝省閣與岳州張使君潭州王都督同官聯  
事後承朝譴各自東西張公與王都督別詩二首  
情頗殷切余覽以耿歎因遥申和云

茂先王佐才作牧楚江隈登樓正欲賦復遇仲宣來  
黃鵠飛將遠雕龍文為開寧知昔聯事聽曲有餘哀

二

昔時陪二賢纓冕會神仙一去馳江海相逢共播遷  
無因千里駕忽覩四愁篇覽諷懽何已懽終徒愴然

送孟浩然歸襄陽二首

張子容



唐詩卷之三百八  
見本部還鄉

別張子容

孟浩然

舊國余歸楚新年子賀正挂帆愁海路分手戀朋情  
日夜故園意汀洲春草生何時一杯酒重與李膺傾  
潭州送韋員外牧韶州

杜甫

炎海韶州牧風流漢署郎分符先令望同舍有輝光  
白首多年疾秋天作夜涼洞庭無過鴈書疏莫相忘

潭州留別杜員外院長

韋迢

江畔長沙澤相逢纜客船大名詩獨步小郡海西偏  
地濕愁飛鵬天炎畏跼鳶去留俱失意把臂共潸然

送祖詠

盧象

田家宜伏臘歲晏子言歸石路雪初下荒竹鷄共飛  
東原多煙火北澗隱寒輝滿酌野人酒倦聞隣女機  
胡爲困樵采幾日罷朝衣

留別盧象

祖詠

朝來已握手宿別更傷心灞水行人渡商山驛路深  
故情君且足謫宦我難任直道皆如此誰能淚滿襟

與嚴二歸奉禮別

杜甫

別君誰暖眼將老病纏身出涕同斜日臨看共去塵  
商歌還入夜巴俗自爲隣尚愧微軀在遙聞盛禮新



唐詩類苑 卷之二百八 三  
山東群盜散闕下受降頻諸將歸應盡題書報旅人

訓別杜二

嚴武

獨逢堯典日再覩漢官時未効風霜勁空慙雨露私  
夜鐘清萬戶曙漏拂千旗並向殊庭謁俱承別館追  
斗城憐舊路鍋水惜歸期峰樹還相伴江雲更對垂  
試回滄海棹莫妬敬亭詩祗是書應寄無忘酒共持  
但令心事在未肯鬢毛衰最悵巴山裏清猿醒夢思

別崔九

王維

城隅一分手幾日還相見山中有桂花莫待花如霰

別崔九

裴迪

歸山深淺去須盡丘壑美莫學武陵人暫遊桃源裏

留別王維裴迪

崔興宗

駐馬欲分襟清寒御溝上前山景氣佳獨往還惆悵

送別

一作送其母  
潛落第還鄉

王維

聖代無隱者英靈盡來歸遂令東山客不得顧採薇

既至金

一作君

門遠孰云吾道非江淮渡寒食京洛縫

春衣置酒長安道同心與我違行當浮桂棹未幾拂

荆扉遠樹帶行客孤城

一作村

當路暉吾謀適不用勿

謂知音稀

送別

王維



唐詩類苑 卷之三百八  
下馬飲君酒問君何所之君言不得意歸臥南山陲  
但去莫復問白雲無盡時

江亭夜月送別二首

王勃

江送巴南水山橫塞北雲津亭秋夜月誰見泣離群

二

亂煙籠碧砌飛月向南端寂寂離亭掩江山此夜寒

送別

王維

山中相送罷日暮掩柴扉春草年年綠王孫歸不歸

送別

王之渙

楊柳東風樹青青夾御河近來攀折苦應爲別離多

臨川送別

盧僎

秋郊日半隱野樹煙初映風水正蕭條那堪動離詠

送別

陳子良

落葉聚還散征禽去不歸以我窮途泣沾君出塞衣

送晉熙公別

太行君失路扶搖我退飛無復紅顏在空持一作將白

首歸色移三代服塵化兩京衣道窮方識一作體命事

去乃知非西候追孫楚南津送陸機雲薄鱗逾細山

高翠轉微氣隨流水咽淚逐斷絃揮但令寸心密隨

意尺書稀



送別

賈島

丈夫未得意行行且低眉素琴彈復彈會有知音知

秋日送別

駱賓王

寂寥心事晚搖落歲時秋共此傷華髮相看惜去留  
當歌應破涕哀命返窮愁別後能相憶東陵有故侯

通化門外送別

張九齡

屢別容華改長愁意緒微義將私愛隔情與故人歸  
薄宦無時賞勞生有事機離魂今夕夢先繞舊林飛

送別二首

李白

斗酒渭城邊鑪頭醉不眠梨花千樹雪楊葉萬條煙

惜別傾壺醕臨分贈馬鞭看君頰上去新月到應圓

二

水色南天遠舟行若在虛遷人發佳興吾子訪閒居  
日落看歸鳥潭澄羨躍魚聖明思賈誼應降紫泥書

京口送別王四誼

儲光羲

江上楓林秋江中秋水流清晨惜分袂秋日尚同舟  
落潮洗魚浦傾荷枕驛樓明年菊花熟洛東汎觴遊

洛橋送別

儲光羲

河橋客送舟河水正安流遠見征橈動遙憐故國遊  
海禽逢早鴈江月值新秋一聽南津曲分明散別愁



洛陽東門送別

儲光羲

東城別故人臘月遲芳辰不惜孤舟去其如兩池春  
花明洛陽苑水綠小平津是日不相見鶯聲徒自新  
廣陵送別宋員外佐越鄭舍人還京

韋述

朱紱臨秦望皇華赴洛橋文章南渡越書奏北歸朝  
樹入江雲盡城銜海月遙秋風將客思川上晚蕭蕭

餞別王十一南遊

劉長卿

望君煙水濶揮手淚沾巾飛鳥沒何處青山空向人  
長江一帆遠落日五湖春誰見汀洲上相思愁白蘋

送魚思別處士歸有懷

許渾

讌罷衆賓送長歌攜一枝溪亭相送遠山郭獨歸遲  
風檻夕雲散月軒寒露滋病來雙鬢白不是舊離時  
池上送考功崔郎中兼別房賈二妓

白居易

文昌列宿徵還日洛浦行雲放散時鷓鷯上天花逐  
水無因再會白家池

送別兄郢

一作途中  
別孫璐

方干

道路本無限又應何處逢流年莫虛擲華髮不相容  
野渡波搖月寒城雨翳鐘此心隨去鳥迢遞過重峰



池州春送前進士蒯希逸 杜牧

芳草復芳草斷腸還斷腸自然堪下淚何必更殘陽  
楚岸千萬里燕鴻三兩行有家歸不得况舉別君觴

送別錢起 戴叔倫

陽關多古調無奈醉中聞歸夢吳山遠離情楚水分  
孤舟經暮雨征路入秋雲後夜同明月山窗定憶君

送別 李咸用

別意說難盡離盃深莫辭長歌終此席一笑又何時  
棹入寒潭急帆當落照遲遠書如不寄無以慰相思

邊庭送別 張蠙

一生雖達理遠別亦相悲白髮無修處青松有老時  
暮煙傳戍起寒日隔沙垂若是長安去何難定後期

送別 楊凝

罇酒郵亭暮雲帆驛使歸野鴻寒不起川雨凍難飛  
吳會家移遍轅轅夢去稀姓楊皆是淚非是強沾衣

奉和禁苑餞別應令 褚亮

大蕃初錫瑞出牧適皇京暫以綠車重言陳朱傳榮  
舒桃臨遠騎垂柳映軍營惠化宣千里威風動百城  
禁籞方嘉節神襟餞送情金笳催別景玉管切離聲  
野花開更落山鳥哢還驚微臣夙多幸薄宦奉儲明



釣臺慙作賦伊水濫聞笙懷德良知久酬恩識命輕  
西使兼送孟學士南遊 盧照隣

地道巴陵北天山弱水東相看萬餘里共倚一征蓬  
零雨悲王粲清樽別孔融徘徊聞夜鶴悵望待秋鴻  
骨肉胡塵外風煙關塞中唯餘劍鋒在耿耿氣成虹

送別

李白

潯陽五溪水沿洄直入巫山裏勝境由來人共傳君  
到南中自稱美送君別有八月秋颯颯蘆花復益愁  
雲帆望遠不相見日暮長江空自流

秋江送別二首

王勃

早是他鄉值早秋江亭明月帶江流已覺逝川傷別  
念復看津樹隱離舟

歸舟歸騎儼成行江南江北互相望誰謂波瀾裁一  
水已覺山川是兩鄉

送別

王維

送君南浦淚如絲君向東州使我悲為報故人顛顛  
盡如今不似洛陽時

武陽送別

沈宇

菊黃蘆白鴈初飛羌笛胡琴淚滿衣送君腸斷秋江  
水一去東流何日歸



送別荆南張判官

獨孤及

輜車駟馬往從隨  
夢渚蘭臺日更遲  
欲識桃花最深處  
前程問取武陵兒

曾山送別

皇甫冉

淒淒遊子若飄蓬  
明月清罇祇暫同  
南望千山如黛色  
愁君客路在其中

送別

郎士元

穆陵關上秋風起  
安陸城邊遠行子  
薄暮寒蟬三兩聲  
迴頭故鄉千萬里

送別二首

魚玄機

秦樓幾夜愜心期  
不料仙郎有別離  
睡覺莫言雲去處  
殘燈一盞野蛾飛

二

水柔逐器知難定  
雲出無心肯再歸  
惆悵春風楚江暮  
鴛鴦一隻失群飛

送別

賈島

門外便伸千里別  
無車不得到河梁  
高樓直上百餘尺  
今日爲君南望長

送別

高適

昨夜離心正鬱陶  
三更白露西風高  
螢飛木落何漸



瀝此時夢見西歸客曙鐘寥亮三四聲東隣嘶馬使人驚攬衣出戶一相送唯見歸雲縱復橫

奉送浙東德師侍御罷府西歸

張賁

孤雲獨鳥本無依江海重逢故舊稀楊柳漸疎蘆葦白可堪斜日送君歸

奉和送德師侍御西歸

陸龜蒙

王謝遺踪玉籍仙三年閒上鄂君船詩懷白閣僧吟苦俸買青田鶴價偏行次野楓臨遠水醉中衰菊臥涼煙芙蓉散盡西歸去唯有山陰九萬牋

奉和送德師侍御西歸

皮日休

建安才子太微仙暫上金臺許二年形影欲歸温室樹夢魂猶傍越溪蓮空將海月為京信尚使樵風送酒船從此受恩知有處免為傖鬼恨吳天

樂天分司東洛朝賢悉會興化亭送別酒酣

各請一字至七字詩以題為韻九首

賦花詩

王起

花點綴分葩露初裛月未斜一枝曲水千樹山家戲蝶未成夢嬌鶯語更誇既見東園成徑何殊西子同車漸覺風飄輕似雪能令醉者亂如麻



賦月詩

李紳

月光輝皎潔耀乾坤靜空濶圓滿中秋翫爭詩哲玉  
兔鎬難穿桂枝人共折萬象照乃無私瓊臺豈遮君  
謁抱琴對彈別鶴聲不得知音聲不切

賦山詩

令狐楚

山聳峻回環滄海上白雲間商老深尋謝公遠攀古  
巖泉滴滴幽谷鳥關關樹島西連隴塞猿聲南徹荆  
蠻世人只向簪裾老芳草空餘麋鹿閑

賦茶詩

元稹

茶香葉嫩芽慕詩客愛僧家碾雕白玉羅織紅紗銚

煎黃蘗色盃轉麴塵花夜後邀陪明月晨前命對朝  
霞洗盡古今人不倦將知醉亂豈堪誇

賦愁詩

魏扶

愁迥野深秋生枕上起眉頭閨閣危坐風塵遠遊巴  
猿啼不住谷水咽還流送客泊船入浦思鄉望月登  
樓煙波早晚長羈旅絃管終年樂五侯

賦竹詩

韋式

竹臨池似玉裛露靜和煙綠抱節寧改貞心自束渭  
曲種偏多王家看不足仙仗正驚龍化美實當隨鳳  
熟唯愁吹作別離聲回首駕驂舞陣速



賦花詩

張籍

花落早開餘對酒客興詩家能迴遊騎每駐行車宛  
宛春風起茸茸麗日斜且願相留懽洽惟愁虛棄光  
華明年攀折知不遠對此誰能更歎嗟

賦書詩

范堯佐

書憑鴈寄魚出王屋入匡廬文生益智道著清虛葛  
洪一萬卷惠子五車餘銀鈎屈曲索靖題橋司馬相  
如別後莫睽千里信數封緘送到閒居

賦詩字詩

白居易

詩綺美瓌奇明月夜落花時能助懽笑亦傷別離調

清金石怨吟苦鬼神悲天下只應我愛世間唯有君  
知自從都尉別蘇句便到司空送白辭

宣州送裴坦判官往舒州時牧欲赴官歸京

杜牧

日暖泥融雪半銷行人芳草馬聲驕九華山路雲遮  
寺清弋江村柳拂橋君意如鴻高的我心懸旆正  
搖搖同來不得同歸去故國逢春一寂寥

留別

留別伊闕張少府郭都尉 王昌齡

遷客就一醉主人空金壘江湖青山底欲去仍徘徊



唐言類考 卷之二  
郭侯未相識策馬伊川來把手相勸勉不應老塵埃  
孟陽蓬山會仙館留清才日晚勸趣別風長雲逐開  
幸隨板輿遠負譴何憂哉唯有仗忠信音書報雲雷  
留別山中温古上人兄并示舍弟縉

王維

解薛登天朝去師偶時哲豈唯山中人兼負松上月  
宿昔同遊止致身雲霞末開軒臨潁陽臥視飛鳥沒  
好依盤石飯屢對瀑泉渴理齊狎小隱道勝寧外物  
舍弟官崇高宗兄此削髮荆扉但灑掃乘閑當過歇

留別西河劉少府

李白

秋髮已種種所爲竟無成閒傾魯壺酒笑對劉公榮  
謂我是方朔人間落歲星白衣千萬乘何事去天庭  
君亦不得意高歌羨鴻冥世人若醢鷄安可識梅生  
雖爲刀筆吏緬懷在赤城余亦如流萍隨波落休明  
自有兩少妾雙騎駿馬行東山春酒綠歸隱謝浮名  
留別賈舍人至二首

李白

大梁白雲起飄颻來南洲徘徊蒼梧野十見羅浮秋  
鼇挾山海傾四溟揚洪流意欲托孤鳳從之摩天遊  
鳳苦道路難翱翔還崑丘不肯銜我去哀鳴慙不留  
遠客謝主人明珠難暗投拂拭倚天劍西登岳陽樓



唐言類苑 卷之三百八  
長嘯萬里風掃清霄中憂誰念劉越石化爲繞指柔  
二  
秋風吹胡霜凋此簷下芳折芳怨歲晚離別淒以傷  
謬攀青瑣賢延我於此堂君爲長沙客我獨之夜郎  
勸此一杯酒豈唯道路長割珠兩分贈寸心久不忘  
何必兒女仁相看淚成行

留別王司馬嵩

李白

魯連賣譚笑豈是顧千金陶朱雖相越本有五湖心  
余亦南陽子時爲梁甫吟蒼山容偃蹇白日惜頽侵  
願一佐明主功成還舊林西來何所爲孤劍託知音  
鳥愛碧山遠魚遊滄海深呼鷹過上蔡賣畚向嵩岑  
他日閒相訪丘中有素琴

留別廣陵諸公

李白

憶昔作少年結交趙與燕金羈絡駿馬錦帶橫龍泉  
寸心無疑事所向非徒然晚節覺此疎獵精草太玄  
空名束壯士薄俗棄高賢中迴聖朝顧揮翰凌雲烟  
騎虎不敢下攀龍忽墮天還家守清真孤潔勵秋蟬  
鍊丹費火石採藥窮山川臥海不關人租稅遼東田  
乘興忽復起棹歌溪中船臨醉謝葛強山公欲倒鞭  
狂歌自此別垂釣滄浪前



留別曹南群官之江南 李白

我昔釣白龍放龍溪水傍道成本欲去揮手凌蒼蒼  
 時來不關人譚笑遊軒皇獻納少成事歸休辭建章  
 十年罷西笑覽鏡如秋霜閉劔琉璃匣鍊丹紫翠房  
 身佩豁落圖腰垂虎盤囊仙人駕彩鳳志在窮遐荒  
 戀子四五人徘徊未翱翔東流送白日驟歌蘭蕙芳  
 仙宮兩無從人間久摧藏范蠡說勾踐屈平去懷王  
 飄飄紫霞心流浪憶江鄉愁為萬里別復此一銜觴  
 淮水帝王州金陵繞丹陽樓臺照海色衣馬搖川光  
 及此北望君相思淚成行朝雲落夢渚瑤草空高堂

帝子隔洞庭青楓滿瀟湘懷歸路綿邈覽古情淒涼  
 登嶽眺百川杳然萬恨長知戀峨眉去美景偶騎羊

題宛句宋少府廳留別 劉長卿

宋侯人之秀獨步南曹吏世上無此才天生一公器  
 尚甘黃綬屈未適青雲意洞徹萬頃陂昂藏千里驥  
 從宦聞苦節應物推高誼薄俸不自資傾家共人費  
 顧予倦棲託終日憂窮匱開口即有求私心豈無愧  
 幸逢東道主因輟西征騎對話堪息機披文欲忘味  
 壺觴招過客几案無留事綠樹映層城蒼苔覆閒地  
 一言重然諾累夕陪宴慰何意秋風來颯然動歸思



唐言類苑 卷之二十一  
留懽殊自愜去念能爲累草色愁別時槐花落行次  
臨岐仍把手此會良不易他日瓊樹枝相思勞夢寐  
之京留別劉方平  
皇甫冉

客子慕儔侶含悽整晨裝邀懽日不足况乃前期長  
離袂暗嘉月遠還勞折芳遲迴越二陵回首但蒼茫  
喬木清宿雨故關愁夕陽人言長安樂其柰緬相望

將歸故山留別杜侍御一作王建

有川不得涉有路不得行沈沈百憂中一日如一生  
錯來干諸侯石田廢春耕虎戟衛重門何因達中誠  
日月俱照輝山川異陰晴如何百里間開目不見明

我今歸故山誓與草木并願君去丘坂長使道路平

留別洛京親友  
韋應物

握手出都門駕言適京師豈不懷舊廬惆悵與子辭  
麗日坐高閣清觴燕華池昨遊倏已過後遇良未知  
念結路方永歲陰野無暉單車我當前一作去暮雪子

獨歸臨流一作漸遙一相望零淚忽沾衣

留別  
鄔載

策名十二載獨先斯文爾來及門者半已昇青雲  
青雲豈無姿黃鶴素不群一辭芸香吏幾歲滄江瀆  
散職旣不羈天聰亦昭聞雖承急賢詔未詣陶唐君



唐言類文 卷之二十一  
薄俸還自急此言那足云和風媚東郊具物滋南薰  
蕙草正可摘豫章猶未分宗師忽千里使我心氛氲

留別

白居易

秋涼卷朝簟春暖撤夜衾雖是無情物欲別尚沈吟  
况與有情別別隨情淺深二年歡笑意一旦東西心  
獨留誠可念同行力不任前事詎能料後期諒難尋  
唯有潺湲淚不惜共沾襟

蜀中將歸留辭韋相公

歐陽詹

寧體卽雲構方前恒玉食貧居豈及此要欲懷歸憶  
在夢關山遠如流歲華逼明晨首鄉路迢遞孤飛翼

南文謝郡客遊澧州留贈字文中丞

暢當

僕本濩落人辱當州郡使量力頗及早謝歸今卽已  
蕭蕭若凌虛襟帶頗銷靡車服率然來涪陽作遊子  
鬱鬱寡開顏默默獨行李忽逢平生友一笑方在此  
秋情寧風日楚思浩雲水爲語弋林者冥冥鴻遠矣

留別顧明府

戴叔倫

江南雨初歇山暗雲猶濕未可動歸橈前程風正急

毘陵留別

朱放

別離非一處此處最傷情白髮將青草相隨日日生



留別柳中庸

李端

惆悵流水時蕭條背城路離人出古亭嘶馬入寒樹  
江南正風波挂蓬在何處

留別王盧二拾遺

李頎

此別不可道此心當報誰春風灞水上飲馬桃花時  
設作好文士只令遊宦遲留書下朝客我有故山期

潭州留別

常建

賢達不相識偶然交已深宿帆謁郡佐悵別依禪林  
湘水流入海楚雲千里心望君杉松夜山月清猿吟

留別武陵袁丞

王昌齡

皇恩暫遷謫待罪逢知己從此武陵溪孤舟二千里  
桃花遺古岸金澗流春水誰識馬將軍忠貞抱生死

留別錢起

王維

卑棲却得性每與白雲歸狗祿仍懷橘看山免採薇  
暮禽先去馬新月待開扉霄漢時回首知音青瑣闈

留別丘為

王維

歸鞍白雲外繚繞出前山今日又明日自知心不閒  
親勞簪組送欲趁鶯花還一步一迴首遲遲向近關

留別裴少府

孟浩然

西上浙江西臨流愠解攜千山疊成嶂萬水瀉為溪



石淺流難泝藤長險易躋誰憐問津客歲晏此中迷

留別王維

孟浩然

寂寂竟何待朝朝空自歸欲尋芳草去惜與故人違  
當路誰相假知音世所稀祇應守寂寞還掩故園扉  
暮秋將歸秦留別湖南幕府親友

杜甫

水濶蒼梧野天高白帝秋途窮那免哭身老不禁愁  
大府才能會諸公德業優北歸衝雨雪誰憫敝貂裘  
留別賈嚴二閣老兩院補闕得聞字

杜甫

田園須暫往戎馬惜離群去遠留詩別愁多任酒醺  
一秋常苦雨今日始無雲山路晴吹角那堪處處聞

潤州南郭留別

皇甫冉

縈迴楓葉岸留滯木蘭橈吳岫新經雨江天正落潮  
故人勞見愛行客自無聊若問前程事孤雲入剡遙  
却赴南邑留別蘇臺知己

劉長卿

又過梅嶺上歲歲此枝寒落日孤舟去青山萬里看  
猿聲湘水靜草色洞庭寬已料生涯事唯應把釣竿  
赴宣州使院夜宴寂上人留辭前蘇州韋使

君

劉長卿



唐言類文 卷之二十一  
白雲垂始願滄海有微波戀舊爭趨府臨危欲負戈  
春歸花殿暗秋傍竹房多耐可機心息其如羽檄何  
留別杜審言并呈洛中舊遊

崔融

斑鬢今爲別紅顏一作塵昨共遊年年春不待處處酒  
相留駐馬西橋上回軍南陌頭故人從此隔風月坐  
悠悠

和州留別穆郎中

劉長卿

播遷悲遠道搖落感衰容今日猶多難何年更此逢  
世交黃葉散鄉路白雲重明發看煙樹唯聞江北鐘

江州留別薛六柳八二員外

劉長卿

江海相逢少東南別處長獨行風嫋嫋相去水茫茫  
白首辭同舍青山背故鄉離心與潮信每日到潯陽  
淮南使迴留別竇侍御

王建

戀戀春恨結綿綿淮草深病身愁至夜遠道畏逢陰  
忽逐酒盃會暫同風景心從今一分散還是繞枝禽  
歸昭應留別城中

王建

喜得近京城官卑意亦榮並牀懽未定離室思還生  
計拙偷閒住經過買日行如無自來分一驛是遙程



將赴閩鄉灞上留別錢起 盧綸

暖景登橋望分明 春色來離心 自惆悵車馬亦徘徊 遠雪和霜積高花 占日開從官竟何事 憂患已相催

留別耿漳侯釗馮著 盧綸

相識少相知與君俱已衰 笙鏞新宅第岐路古山陂 學道功難就為儒事本遲 惟當與漁者終老遂其私

留別光州王使君建 賈島

杜陵千里外期在末秋歸 既見林花落須防木葉飛 楚從何地盡淮隔數峰微 迴首餘霞失斜陽照客衣

石門陂留辭從叔謨 賈島

幽鳥飛不遠此行千里間 寒衝陂水霧醉下菊花山 有耻長為客無成又入關 何時臨澗柳吾黨共來攀

二月晦日留別鄆中友人 賈島

立馬柳花裏別君當酒酣 春風漸向北雲鴈不飛南 明曉日初一今年月又三 鞭羸去暮色遠嶽起煙嵐

赴邠寧留別 李益

身承漢飛將束髮即言兵 俠少何相問從來事不平 黃雲斷朔吹白雪擁沙城 幸應邊書募橫戈會取名

登華州留別張侍御 劉禹錫

束簡下延閣買符驅短轅 同人惜分袂結念醉芳樽



切切別絃急蕭蕭征騎煩臨岐無限意相視却忘言  
江夏留別華二 歐陽詹

弭棹已傷別不堪離緒催十年一心人千里同舟來  
鄉路我尚遙客遊君未迴將何慰兩端未一作豈免臨  
岐杯

將謁商謝呂郎中出楚州留獻章中丞

方干

江流盤復直浮棹出家林商洛路猶遠山陽春已深  
青雲應可望白髮未相侵才少知難薦終身許郭心

留別嘉興知己

僧滄浩

一座東林寺從來未下山不因尋長者無事到人間  
宿雨愁為客寒禽散未還空懷舊山月童子誦經閒

初出城留別

白居易

朝從紫禁歸暮出青門去勿言城東陌便是江南路  
揚鞭簇車馬揮手辭親故我生本無鄉心安是歸處

京口留別徐大補闕趙二零陵

儲光羲

皇州月初晚處處鼓鐘喧樹出蓬萊殿城開闔闔門  
近臣朝瑣闥詞客向文園獨有三川路空傷遊子魂

留別安慶李太守

儲光羲



厚言卷之二十一  
明牧念行子又言悲解攜初筵方落日醉止到鳴鷄  
過客來自北大軍居在西兵家如討逆敢以庶盤溪  
留別毘陵諸公  
李嘉祐

久別涪陽令丹墀忽再還淒涼辭澤國離亂到鄉山  
北固灘聲滿南徐草色閒知心從此別相憶鬢毛斑  
夜宴南陵留別  
李嘉祐

雪滿前庭月色閒主人留客未能還預愁明日相思  
處匹馬千山與萬山

使回留別襄陽李司空  
張籍

江亭寒日晚絃管有離聲從此一筵別獨爲千里行

遲遲戀恩德役役恨公程迴首吟新句霜雲滿楚城

春日留別  
張籍

遊人欲別離醉復對花枝看却春日晚莫輕少年時  
臨行記分處回首是相思各向天涯去重來未有期

留別江陵王少府  
張籍

迢迢山上路病客獨行遲况此分襟日當君失意時  
寒林遠路驛晚燒過荒陂別後空迴首相逢未有期

留別張郎中  
項斯

省中重拜別兼領寄人書已念此行遠不應相問疎  
子城西並宅御水北同渠要取春前到乘閒候起居



秋日將歸長安留別王尚書

喻 鳧

朔漠正秋霖西風傳夕砧滄洲未歸迹華髮受恩心  
露色岡莎冷蟬聲塢木深清晨鈇鉞內只獻白雲吟

留別鄒紹劉長卿

嚴 維

中年從一尉自笑此身非道在甘微祿時難一作耻  
息機晨趨本郡府晝掩故山扉待得于戈畢何妨更

採薇

雨中留別

耿 漳

東西無定客風雨未休時憫默此中別飄零何處期

青山違舊隱白髮入新詩歲歲迷津路生涯漸可悲

常州留別

耿 漳

萬里南天外求書禹穴間往來成白首旦暮見青山  
夜浦涼雲過秋塘好月閒慙慙陽羨桂別此幾時攀

留別解縣韓明府

耿 漳

閒人州縣厭賤士友朋譏朔雪逢初下秦關獨暮歸  
寒茅下原淺殘雨過風微一路何相慰唯君能政稀

邠州留別

耿 漳

終歲山川路一作長路生涯總幾何艱難為客慣貧

賤受恩多暮角寒山色秋風遠水波一作暮角飄長



無人見惆悵垂鞚入煙蘿

赴許州留別洛中親故

耿漳

淳風今變俗末學誤爲文  
幸免投湘浦那辭近汝墳  
山遮魏闕路日隱洛陽雲  
誰念聯翩翩煙中獨失羣  
之江淮留別京中親友

耿漳

長雲迷一鴈漸遠向南聲  
已帶千霜鬢初爲萬里行  
繁蟲滿夜草連雨暗秋城  
前路諸侯貴何人重客卿

留別定襄盧軍事

馬戴

行行與君別路在鴈門西  
秋色見邊草軍聲聞戍鼙  
酣歌擊寶劍躍馬上金堤  
歸去咸陽里平生志不迷

湖南雪中留別

戎昱

草草還草草湖東別離早  
何處愁殺人歸鞍雪中道  
出門迷轍迹雲水白浩浩  
明日武陵西相思鬢堪老  
將之澤潞留別王郎中

李端

弱年知己少前路主人稀  
貧病期相借艱難又憶歸  
事成應未卜身賤又無機  
幸到龍門下須因羽翼飛

江行留別

馬戴

吳楚半秋色渡江逢葦花  
雲侵帆影盡一作風逼鴈  
行斜返照開嵐翠寒潮蕩  
浦沙余將何所往海嶠擬  
營家



唐詩類苑 卷之三百八  
將之上京別淮南書記李侍御

朱慶餘

心地偶相見語多為別難  
詩成公府晚路入翠微寒  
逢石自應坐有花誰共看  
身為當去鴈雲盡到長安

夏末留別洞庭知己

朱慶餘

清秋時節近分袂獨淒然  
此地折高柳何門聽暮蟬  
浪搖湖外日山背楚南天  
空感迢迢事榮歸在幾年

將之上京留別淮南書記李侍御

朱慶餘

半似無名位門當靜處開  
人心皆向德物色不供

酒興春邊過軍謀意外來  
取名榮相府却慮詔書催

留別盧玄休歸荆門

朱慶餘

江邊離別心言罷各沾襟  
以我去帆遠知君離恨深  
雲開孤鳥出浪起白鷗沈  
更作來年約陽臺許伴尋

留別南徐故人

周賀

三年蒙見待此夕是前程  
未斷却來約且伸臨去情  
潮迴灘鳥下月上客船明  
他日南徐道緣君又重行

將之京師留別親友

張蠡

達命何勞問西遊且自期  
至公如有日知我豈無時  
野迥蟬相答堤長柳對垂  
酣歌一舉袂明發不堪思



湖南使還留辭辛大夫

劉長卿

王師勞近甸兵食仰諸侯天子無南顧元勳在上遊  
大才生間氣盛業拯橫流風景隨搖筆山川入運籌  
羽觴交餞席旄節對歸舟鶯識春深恨猿知日去愁  
別離花寂寂南北水悠悠唯有家兼國終身去所憂

幽山留別令狐侍御

馬戴

自別丘中隱頻年哭路岐辛勤今若是少壯豈多時  
露滴陰蟲苦秋聲遠客悲晚營嚴鼓角紅葉拂旌旗  
北闕虛延望西林久見思川流寒水急雲返故山遲  
落照遊人去長空獨鳥隨不堪風隔景忠寡相知

再赴渭北使府留別

李益

結髮逐鳴輦連兵追谷蠡山川搜伏虜鎧甲被重犀  
故府旌旗在新軍羽檄齊報恩身未死識路馬遂嘶  
列嶂高峰舉當營太白低平戎七尺劍封檢一九泥  
截海取蒲類跑泉飲礪鶻漢庭中選重更事五原西  
發越州赴潤州使院留別鮑侍御

劉長卿

對水看山別離孤舟日暮行遲江北江南春草獨向  
金陵去時

留別鄭三韋九兼洛下諸公



高適

憶昨相逢論久要顧君哂我輕常調羈旅雖同白社  
遊詩書已作青雲料蹇躑蹉跎竟不成年過四十尚  
躬耕長歌達者杯中物大笑前人身後名幸逢明盛  
多招隱高山大澤徵求盡此時亦得辭漁樵青袍裹  
身荷聖朝犁牛釣竿不復見縣人邑吏來相邀遠路  
鳴蟬秋興發華堂美酒離憂銷不知何時更攜手應  
念茲晨去折腰

穎川留別司倉李萬

劉長卿

故人早負干將器誰言未展平生意想君疇昔高步

時肯料如今折腰事且知投刃皆若虛日揮案牘常  
有餘槐暗公門趨小吏荷香陂水膾鱸魚客裏相逢  
款話深如何岐路剩霑襟白雲西上催歸念穎水東  
流是別心落日征驂隨去塵含情揮手背城闔已恨  
良時空此別不堪愁草更愁人

留別汪倫

李白

白遊涇縣桃花潭村人汪倫常醞美酒以待白  
李白乘舟將欲行忽聞岸上踏歌聲桃花潭水深千  
尺不及汪倫送我情

留別郭八

王昌齡



唐詩類苑 卷之二 長亭駐馬未能前井邑蒼茫含暮煙醉別何須更惆  
悵回頭不語便垂鞭

將還越留別豫章諸公 獨孤及

客鳥倦飛思舊林徘徊猶戀衆花陰他時相憶雙航  
葦莫問吳江深不深

赴虢州留別故人 盧綸

世故相逢各未閒百年多在別離間昨夜秋風今夜  
雨不知何處入空山

宜君縣北卜居不遂留題王秀才別墅二首 韋莊

本期同此臥林丘楫拙爐前擁布裘何事却乘羸馬  
去白雲紅樹不相留

明月嚴霜撲皂貂羨君高臥正逍遙門前積雪深三  
尺火滿紅爐水滿瓢

鄜州留別張員外 韋莊

江南相送君山下塞北相逢朔漠中三楚故人皆是  
夢十年陳事只如風莫言身世他時異且喜琴樽數  
日同惆悵却愁明日別馬嘶山店雨濛濛

歸岑山留別 僧靈一

禪客無心憶薜蘿自然行逕向山多知君欲問人間



事始與浮雲共一過

留別吳七正字

白居易

成名共記甲科上署吏同登芸閣間唯是塵心殊道性秋蓬常轉水長閒

江陵酒中留別坐客

呂溫

尋常縱恣倚青春不契心期便不親今日煙波九疑去相逢盡是眼中人

將歸湖上留別陳宰

方干

歸去春山逗曉晴縈迴樹石罅中行明時不是無知已自憶湖邊釣與耕

春日留別

孫逖

春路透迤花柳前孤舟晚泊就人煙東山白雲不可見西陵江月夜涓涓春江夜盡潮聲度征帆遙從此中去越國山川看漸無可憐愁思江南樹

留別公安大易沙門

杜甫

隱居欲就廬山遠麗藻初逢休上人數問舟航留製作長開篋竒擬心神沙村白雪仍含凍江縣紅梅已放春先踏爐峰置蘭若徐飛錫杖出風塵

東遊留別李叢秀才

許渾

煩君沽酒強登樓罷唱離歌說遠遊文字豈勞諸子



重風塵多幸故人憂數程山路長侵驛千里家書動  
隔秋起凭欄干各垂淚又驅羸馬向東州

瓜州留別李詡

許渾

泣玉三年一見君白衣顛顛更離群楊堤惜別春潮  
晚花榭留歡夜漏分孤館宿時風帶雨遠帆歸處水  
連雲悲歌曲盡莫重奏心遶關河不忍聞

留別田尚書

王建

擬報平生未殺身難離門館起居頻不看匣裏釵頭  
古猶戀機中錦樣新一旦甘爲漳岸老全家却作杜  
陵人朝天路在驪山下專望紅旗拜舊塵

赴職梓潼留別畏之員外同年

李商隱

佳兆聯翩遇鳳凰雕文羽帳紫金牀桂花香處同高  
第柿葉翻時獨悼亡烏鵲失棲長不定鴛鴦何事自  
相將京華庸蜀三千里送到咸陽見夕陽

欲遊嵩嶽留別李少尹益 賈島

孤策遲迴洛水湄孤禽嘹唳幸人知嵩嶽望中常待  
我河梁欲上未題時新秋愛月愁多雨古觀逢仙看  
盡碁微眇此來將敢問鳳凰何日定

一作歸池

南康夜宴東溪留別郡守陸郎中



張 蟪

飄然野客才無取多謝君侯獨見知竹葉樽前教駐  
樂桃花紙上待君詩香迷蛺蝶投紅燭舞拂蒹葭倚  
翠帷明發別愁何處去片帆天際酒醒時

醉中留別襄州李相公

韓 愈

濁水汙泥清路塵還曾同制掌絲綸眼穿長訝雙魚  
斷耳熱何辭數爵頻銀燭未銷窻送曙金釵半醉一作  
墜座添春知公不久歸鈞軸應許閒官寄病身

韶州留別張使君

韓 愈

往來再逢梅柳新別離一醉綺羅春久欽江惣文才

妙自歎虞翻骨相屯鳴笛急吹催落日清歌緩送感  
行人已知奏課當徵拜那復淹留詠白蘋

龍門留別道友

劉 滄

一顧恩深荷道安獨垂雙淚下  
巒飛鳴北鴈寒雲  
暮搖落西風關樹寒春谷終期吹羽翼萍身不定逐  
波瀾徘徊偏起舊枝戀半夜獨吟孤燭殘

入關留別主人

劉 滄

此來多愧食魚心東閣將辭強一吟羸馬客程秋草  
合晚暉關樹古槐深風生野渡河聲急鴈過寒原嶽  
勢侵對酒相看自無語幾多離思入瑤琴



留別山中友人

劉滄

欲辭松月戀知音  
去住多同羈鳥心  
秋盡書牕驚白髮  
晚衡霜葉下青岑  
大河風急寒聲遠  
高嶺雲開夕影深  
別後寂寥無限意  
野花門路草蟲吟

留別崔澣秀才昆仲

劉滄

汶陽離思水無窮  
去住情深夢寐中  
歲晚蟲鳴寒露草  
日西蟬噪古槐風  
川分遠嶽秋光靜  
雲盡遙天霽色空  
對酒不能傷此別  
尺書憑鴈往來通

赴職單于留別闕下知己

羅鄴

職忝翩翩逐建牙  
笑騎征騎入胡沙  
定將千里憑

鴈應看三春雪  
當花年長有心終  
報國時清到處便  
營家逢秋不擬同  
張翰為憶鱸魚却  
歎嗟

秋晚歸廬山留別道友

周賀

病起陵陽思翠微  
秋風動後着行衣  
月生石齒人同見  
霜落木梢愁獨歸  
已許衲僧修靜社  
便將樵叟對閒扉  
不嫌舊隱相隨去  
廬嶽臨天好息機

初秋留別越中幕客

殷文珪

魂夢飄零落葉洲  
北轅南柁幾時休  
月中青桂漸看老  
星畔白榆還報秋  
鶴禁有知須強進  
嵇峰無事莫相留  
吳花越柳饒君醉  
直待功成始舉頭



留別微之

白居易

于時久與本心違悟道深知前事非猶厭勞形辭郡  
牧那將趁伴着朝衣五千言裏教知足三百篇中勸  
式微少室雲邊伊水畔比君校老合先歸

留別宗人太守郎中邁

滕倪

秋初江上別旌旗故國無家淚欲垂千里未知投足  
處前程便是聽猿時誤攻文字身空老却返漁樵計  
已遲羽翼彫零飛不得丹青無路接差池

西湖留別

白居易

征途行色慘風煙祖帳離聲咽管絃翠黛不須留五

馬皇恩只許住三年綠藤陰下鋪歌席紅藕花中泊  
妓船處處迴題盡堪戀就中難別是湖邊



一百八終

唐詩類苑卷第一百九

明雲間張之象玄超甫纂輯

雲間杜士全道執甫編次

雲間王徹叔朗甫補訂

梁谿曹仁孫伯安甫校正

人部

贈別

贈別高三十五

李頎

五十無產業心輕百萬資屠酤亦與群不問君是誰  
飲酒或垂釣狂歌兼詠詩馬知漢高士莫識越鴟夷



寄跡棲霞山蓬頭睢水湄忽然碎命下眾謂趨丹墀  
沐浴着賜衣西來馬行遲能令相府重且有函關期  
龜俛從寸祿舊遊梁宋時皤皤邑中叟相候鬢如絲  
官舍柳枝靜河梁杏葉滋摘芳雲景晏把手秋蟬悲  
小縣情未愜折腰君莫辭吾觀主人意不久召京師

贈別穆元林

李頎

貳職久辭滿藏名三十年丹墀策頻獻白首官不遷  
明主日徵士吏曹何忽賢空懷濟世業欲棹滄浪船  
舉酒洛門外送君春海邊彼鄉有令弟小邑試烹鮮  
轉浦雲壑媚涉江花鳥連綠芳暗楚水白鳥飛吳煙

贈曠亦奚貴亂流期復旋金閨會通籍生事豈徒然

贈別舍人弟臺卿之江南 李白

去國客行遠還山秋夢長梧桐落金井一葉飛銀牀  
覺罷覽明鏡鬢毛颯已霜良圖委蔓草古貌成枯桑  
欲道心下事時人疑夜光因為洞庭葉飄落之瀟湘  
令弟經濟士謫居我何傷潛虬隱尺水著論譚興亡  
客遇王子喬口傳不死方入洞過天地登真朝玉皇  
吾將撫爾背揮手遂翱翔

贈李十五丈別

杜甫

峽人鳥獸居其室附層巔下臨不測江中有萬里船



唐言類考 卷之二十九  
多病紛倚薄少留改歲年絕域誰慰懷開顏喜名賢  
孤陋忝末親等級敢比肩人生意氣合相與襟袂連  
一日兩遣僕三日一共筵揚論展寸心壯筆過飛泉  
玄成美價存子山舊業傳不聞八尺軀常受衆目憐  
吾爲苦辛行蓋被生事牽北迴白帝棹南入黔陽天  
汧公制方隅迥出諸侯先封內如太古時危獨蕭然  
清高金莖露正直朱絲絃昔在堯四嶽今之黃穎川  
于邁恨不同所思無由宣山深水增波解榻秋露懸  
客遊雖云久亦思月再圓晨集風渚亭醉操雲嶠篇  
丈夫貴知己歡罷念歸旋

贈別賀蘭鈺

杜甫

黃雀飽野粟群飛動荆榛今吾抱何恨寂寞向時人  
老驥倦驤首蒼鷹愁易馴高賢世未識固合嬰饑貧  
國步初反正乾坤尚風塵悲歌鬢髮白遠赴湘吳春  
我戀岷下芋君思千里尊生離與死別自古鼻酸辛  
奉和權相公行次臨闕驛逢鄭僕射相公歸  
朝俄頃分途因以奉贈詩十四韻

元稹

帝下赤霄符搜求造化爐中台歸內座太一直南都  
黃霸乘輅入王尊叱馭趨萬人東道送六燾北風驅



唐言類考 卷之二十九  
棧閣纔傾蓋關門已合繻貫魚行邈迤交馬語踟躕  
去速熊羆兆來馳虎豹夫昔憐三易地今訝兩分途  
別路環山雪離章運寸珠鋒鉞斷犀兕波浪沒蓬壺  
區宇聲雖動淮河孽未誅將軍遙策畫師氏密訂謨  
漠上壇仍築褒西陣再圖公方先二虜何暇進愚儒  
荆南贈別李肇著作轉韻詩

王建

輝天復耀地再爲歌詠始素傳學道徒清門有君子  
文澗瀉潺潺德峰來壘壘兩京二十年投食公卿作  
卿相間封章旣不下故舊多慙顏賣馬市耕牛却歸湘

浦山麥收蠶上簇衣食應豐足碧澗伴僧禪秋山對  
雨宿且歡身體遙幸免纓組束上宰鎮荊州敬重同  
歲遊歡逢通世友簡授畫戎籌遲遲就公食愴愴別  
野表主人開宴席禮數無形迹醉笑或顛吟發譚皆  
損益臨甃理芳鮮升堂引賓客早歲慕嘉名遠思今  
始平孔門忝同轍潘館幸諸甥自知再婚娶豈望爲  
親情欣欣還切切又二千里別楚筆防寄書蜀茶憂  
遠熱關山足重疊會合何時節莫歡各從軍且愁岐  
路分美人停玉指離瑟不中聞爭向巴山夜猿聲滿  
碧雲



贈別崔五

白居易

朝送南去客暮迎北來賓孰云當大路少遇心所親  
勞者念息肩熱者思濯身何如獨愁日忽見平生人  
平生已不淺是日重殷勤問從何處來及此江亭春  
江天春多陰夜月隔重雲攜尊樹間飲燈照花紛紛  
一會不易得餘事何足云明旦又分手今夕且懽忻

將歸贈孟東野房蜀客

韓愈

君門不可入勢利互相推借問讀書客胡爲在京師  
舉頭未能對閉眼聊自思倏忽十六年終朝苦寒饑  
宦途竟寥落鬢髮坐差池潁水清且寂箕山坦而夷  
如今便當去咄咄無自疑

贈別元十八協律六首

韓愈

知識久去眼吾行其旣遠曹曹莫訾省默默但寢飯  
子兮何爲者冠珮立憲憲何氏之從學蘭蕙已滿畹  
於何翫其光以至歲向晚治惟尚和同無俟於蹇蹇  
或師絕學賢不以藝自輓子兮獨如何能自媚婉婉  
金石出聲音宮室發關楗何人識章甫而知駿蹄踠  
於阮惜乎吾無居不得留息偃臨當背面時裁詩示  
切  
繾綣



唐詩類苑 卷之三百九 五  
英英桂林伯實惟文武特遠勞從事賢來吊逐臣色  
南裔多山海道里屢紆直風波無程期所憂動不測  
子行誠艱難我去未窮極臨別且何言有淚不可拭

三

吾友柳子厚其人藝且賢吾未識子時已覽贈子篇  
寤寐想風采于今已三年不意流竄路旬日同食眠  
所聞昔已多所得今過前如何又須別使我抱悁悁

四

勢要情所重排斥則埃塵骨肉未免然又况四海人  
嶷嶷桂林伯矯矯義勇身生平所未識待我逾交親

遺我數幅書繼以藥物珍藥物防瘴癘書勸養形神  
不知四罪地豈有再起辰窮途致感激肝膽還輪困

五

讀書患不多思義患不明足已患不學既學患不行  
子今四美具實大華亦榮王官不可闕未宜後諸生  
嗟我擯南海無由助飛鳴

六

寄書龍城守君驥何時秣峽山逢颶風雷電助撞捽  
昨沒切乘潮簸扶胥近岸指一髮兩巖雖云牢木石互  
飛發屯門雖云高亦映波浪沒余罪不足惜子生未



唐言類苑 卷之三百九 六  
宜忽胡爲不忍別感謝情至骨

贈姚怱別

孟郊

美人廢琴瑟不是無巧彈聞君郢中唱始覺知音難  
驚蓬無還根馳水多分瀾倦客厭出門疲馬思解鞍  
何以寫此心贈君握中丹

贈竟陵盧使君虔別

孟郊

赤日千里火火中行子心孰不苦焦灼所行爲貧侵  
山水豈無涼猛獸蹲清陰歸人憶平坦別路多嶮巖  
賴得竟陵守時聞建安吟贈別折楚芳楚芳搖衣襟

送沈處士赴蘇州李中丞招以詩贈行



有月曾同賞無秋不共悲如何與君別又是菊花時

贈別二首

柳柳

江浦程千里離樽淚數行無論吳與楚俱是客他鄉

二

何處最悲辛長亭臨古津往來舟楫路前後別離人

還京贈別

盧照隣

風月清江夜山水白雲朝萬里同爲客三秋契不凋  
戲鳧分斷岸歸騎別高標一去仙橋道還望錦城遙

贈別江頭

萬齊融

東南飛鳥處言是故鄉天江上風花晚君行定幾千



計程頻破月數別屢開年明歲潯陽水相思寄採蓮  
廣陵贈別  
李白

玉瓶沽美酒數里送君還繫馬垂楊下銜杯大道間  
天邊看綠水海上見青山興罷各分袂何須醉別顏  
贈別鄭判官  
李白

竄逐勿復哀慙君問寒灰浮雲本無意吹落章華臺  
遠別淚空盡長愁心已摧二年吟澤畔顛顛幾時迴  
贈韋贇善  
杜甫

扶病送君發自憐猶不歸祇應盡客淚復作掩荆扉  
江漢故人少音書從此稀往還二十載歲晚寸心違

贈別何邕

杜甫

生死論交地何由見一人悲君隨燕雀薄宦走風塵  
綿谷元通漢沱江不向秦五陵花滿眼傳語故鄉春

京口贈崔固

周賀

積雨晴時近西風葉滿泉相逢嵩嶽客共聽楚城蟬  
宿館橫秋島歸帆遠漲田別多還寂寞不似剡中年

江亭贈別

馬戴

長亭晚送君秋色渡江濱衰柳風難定寒濤雪不分  
猿聲離楚峽帆影入湘雲獨汎扁舟夜山鐘可臥聞

贈別北客

馬戴



唐言類考 卷之一百九  
君生游俠地感激氣何高飲盡玉壺酒贈留金錯刀  
鴈關飛霰雪鯨海落雲濤決去如征鳥離心空自勞

贈別江客

馬戴

湘中有岑穴君去挂帆過露細蒹葭廣潮迴島嶼多  
汀洲延夕照楓葉墜寒波應使同漁者生涯許釣歌

贈別

諸嗣宗

蘭澤傷秋色臨風遠別期東城草雖綠南浦柳無枝  
直道豈易枉暗投誰不疑因君問行役有淚濕江籬  
赴江西湖上贈皇甫曾之宣州

劉長卿

莫恨扁舟去川途我更遙東西潮渺渺離別雨蕭蕭  
流水通春谷青山過板橋天涯有來客遲爾訪漁樵

贈別山友

張蠟

從容無限意不獨爲離群年長驚黃蝶時清厭白雲  
舊山迴馬見寒瀑別家聞相與存吾道窮通各自分

早春友人訪別南歸

李洞

南歸來取別窮巷坐青苔一盞薄醪酒數枝零落梅

潮生楚驛閉

一作澤潤

星在越樓開明日望君處前臨風

月臺

贈別盧司直之閩中

劉長卿



唐言類文 卷之一百九  
爾來多不見此去又何之華髮同今日流芳似舊時  
洲長春色遍漢廣夕陽遲歲歲王孫草空憐無處期

贈別皇甫曾

僧靈一

幽人從遠嶽過客愛春山高駕能相送孤遊且未還  
紫苔封井石綠竹掩柴關若到雲峰外齊心去住間

贈別

鄭谷

南游曾共游相別倍相留行色迴燈曉離聲滿竹秋  
穩眠彭蠡浪好醉岳陽樓明日逢佳景爲君成白頭

虢州逢侯釗同尋南觀因贈別

時居停務

盧綸

相見翻惆悵應憐責廢官過深慙祿在識淺賴刑寬  
獨失耕農業同思弟姪懽衰貧羞客過卑束會君難  
放鶴登雲壁澆花遶石壇興還江海上跡在是非端  
林密風聲細山高雨色寒悠然此中別賓僕亦闌干

贈別張駙馬

戎昱

上元年中長安陌見君朝下欲歸宅飛龍騎馬三十  
四玉勒雕鞍照初日數里衣香遙撲人長衢雨歇無  
纖塵從奴斜抱敕賜錦雙雙蹙出金麒麟天子愛婿  
皇后弟獨步明時負權勢一身扈蹕承殊澤甲第朱  
門聳高戟鳳凰樓上伴吹簫鸚鵡杯中醉留客泰去



否來何足論宮中宴駕人事翻一朝負譴辭丹闕五  
年待罪湘江源冠冕淒涼幾遷改眼看桑田變成海  
華堂金屋別賜人細眼黃頭總何在清官相見寸心  
悲嬾欲今時問昔時看君風骨殊未歇不用愁來雙  
淚垂

東平蓬萊驛夜宴平盧楊判官醉後留別姚  
太守置酒留宴

獨孤及

驛樓漲海壖秋月寒城邊相見自不足况逢主人賢  
夜清酒濃人如玉一斗何啻直十千木蘭爲樽金爲  
杯江南急管盧女絃齊童如花解郢曲起舞激楚歌

採蓮固知別多相逢少樂極哀至心嬋娟少留莫辭  
醉前路方悠然明日分飛倘相憶祇應遙望西南天

贈別微之

并序

白居易

十年三月三十日別微之于澧上十四年三月十  
一日夜遇微之于峽中停舟夷陵三宿而別言不  
盡者以詩終之因賦七言十七韻以贈且欲寄所  
遇之地與相見之時爲他年會話張本也

澧水店頭春盡日送君上馬謫通川夷陵峽口明月  
夜此處逢君是偶然一別五年方見面相攜三宿未  
迴船坐從日暮唯長歎語到天明竟未眠齒髮蹉跎



唐言類考 卷之二百九  
將五十關河迢遞過三千生涯共寄滄江上鄉國俱  
拋白日邊往事渺茫都似夢舊游零落半歸泉醉悲  
灑淚春杯裏吟苦支頤曉燭前莫問龍鍾惡官職且  
聽清脆好文篇別來只是成詩癖老去何曾更酒顛  
各限王程須去住重開離宴貴留連黃牛渡北移征  
棹白狗崖東別卷筵神女臺雲閑繚繞使君灘水急  
潺湲風淒溟色愁楊柳月弔宵聲哭杜鵑萬丈赤幢  
潭底日一條白練峽中天君還秦地辭炎徼我向忠  
州入瘴煙未死會應相見在又知何地復何年

自宣州赴官入京路逢裴坦判官歸宣州因

題贈

杜牧

敬亭山下百頃竹中有詩人小謝城城高跨樓滿金  
碧下聽一溪寒水聲梅花落徑香繚繞雪白玉璫花  
下行縈風酒旆挂朱閣半醉遊人聞弄笙我初到此  
未三十頭腦鈿利筋骨輕畫堂檀板秋拍碎一引有  
時聯十觥老閒腰下丈二組塵土高懸千載名重遊  
鬢白事皆改唯見東流春水平對酒不敢起逢君還  
眼明雲鬢看人捧波臉任他橫一醉六十日古來聞  
阮生是非離別際始見醉中情今日送君話前事高  
誦引劍還一傾江湖酒伴如相問終老煙波不計程



餘干贈別張二十二侍御 權德輿

蕪城陌上春風別於越亭邊歲暮逢驅車又愴南北  
路返照寒江千萬峰

贈別 項斯

魚在深泉鳥在雲從來只得影相親他時縱有逢君  
處應作人間白髮身

贈別李紛 盧綸

頭白乘驢懸布囊一迴言別淚千行兒孫滿眼無歸  
處唯到樽前似故鄉

贈別二首 杜牧

娉娉裊裊十三餘荳蔻梢頭二月初春風十里揚州  
路卷上珠簾總不知

多情却似總無情唯覺樽前笑不成蠟燭有心還惜  
別替人垂淚到天明

贈別 李昌符

又將書劍出孤舟盡日停撓結遠愁莫道江波話離  
別江波一去不迴頭

冬夜贈別友人 盧綸

愁聽千家流水聲相思獨向月中行侵階暗草寒霜  
重遍郭寒山夜月明連年客舍唯多病數畝田園又



唐言類苑 卷之二百九  
廢耕更送乘軺歸上國應憐禹貢未成名

贈別劉員外長卿

耿 漳

清如寒玉直如絲世故多虞事莫期建德津亭人別  
夜新安江水月明時爲文易老皆知苦謫宦無名倍  
足悲不學朱雲能折檻空羞獻納在丹墀

贈別楊員外巨源

元 稹

憶昔西河縣下時青山顛顛宦名卑掄揚陶令緣求  
酒結託蕭娘只在詩朱紫衣裳浮世重蒼黃歲序長  
年悲白頭後會知何日一盞煩君不用辭

衡陽與夢得分路贈別

柳宗元

十年顛顛到秦京誰料翻爲嶺外行伏波故道風煙  
在翁仲遺墟草樹平直以慵疎招物議休將文字占  
時名今朝不用臨河別垂淚千行便濯纓

東陽贈別

韋 莊

繡袍公子出旌旗送我搖鞭入翠微大抵行人難訴  
酒就中辭客易沾衣去時此地題橋去歸日何年佩  
印歸無限別情言不得回看溪柳恨依依

話別

秋夕與王處士話別

崔 塗

微燈照寂寥此夕正迢迢丹桂得已晚故山歸尚遙



唐言類友 卷之二百九  
蟲聲移暗壁。月色動寒條。此去如真隱。期君試一瓢。  
入蜀赴舉秋夜與先生話別

崔塗

欲愴哦喟別中宵。寢不能聽殘池上雨。吟盡枕前燈  
失計方期隱。修心未到僧雲門。一萬里應笑又擔簦

秋夕與友話別

崔塗

懷君非一夕。今夕倍堪悲。華髮猶漂泊。滄洲又別離。  
冷禽棲不定。衰葉墮無時。况值干戈隔。相逢未可期。

秋日與友生言別

李咸用

利名心未已。離別恨難休。為箇文儒業。致多岐路愁。

數花籬菊晚。片葉井梧秋。又決出門計。一樽期少留。

商驛與于韞玉話別

羅隱

南朝徐庾流。洛下憶同遊。酒採閑坊菊。山登遠寺樓。  
相思勞寄夢。偶別已經秋。還被青青桂。催君不自由。

春日與友人話別

羅鄴

酌坐對芳草。東風吹旅衣。最言驅馬倦。自未有山歸。  
華髮時將逼。青雲計又非。離襟一沾灑。迴首正殘暉。

與崔弇話別

周賀

歸思緣平澤。齋夜話遲人。尋馮翊去。草向建康衰。  
雨雪生中路。干戈阻後期。幾年方見面。應是鑷蒼髭。



唐詩類苑 卷之二十一  
吳州月夜與曹太尉話別 李 頻  
早晚更看吳苑月。西齋長憶月當窻。不知明夜誰家  
見。應照離人隔楚江。

與徐溫話別

方 干

去去何時却見君。悠悠煙水似天津。明年今夜有明  
月。不是今年看月人。

酬別

酬別薛三蔡大留簡韓十四主簿

高 適

迢遞辭京華。辛勤異鄉縣。登高俯滄海。迴首淚如霰。

同人久離別。失路還相見。薛侯懷直道。德業應時選。  
蔡子負清才。當年擢賓薦。韓公有奇節。詞賦凌群彥。  
讀書嵩岑間。作吏滄海甸。伊余寡棲託。感激多慍見。  
縱誕非爾情。漂淪任疵賤。忽枉瓊瑤作。乃深平生眷。  
始謂吾道存。終嗟客遊倦。歸心無晝夜。別事除言宴。  
復值涼風時。蒼茫夏雲變。

酬別蔡十二見贈

權德輿

伊人茂天爵。恬憺臥郊園。傲世方隱几。說經久顛門。  
浩歌曳柴車。詎羨丹轂尊。嚴霜被鶉衣。不知狐白溫。  
游心羲文際。愛我相討論。潢汗忽朝宗。傳騎令載奔。



唐詩類苑 卷之三百九  
崢嶸歲陰晚。愀愴離念繁。別館絲桐清。寒郊煙雨昏。  
中飲見逸氣。縱譚窮化元。佇看公車起。聖代待乞言。  
洛陽河亭奉酬留守群公追送

李益

離亭餞落暉。臘酒減春衣。歲晚煙霞重。川寒雲樹微。  
戎裝千里至。舊路十年歸。還似汀洲鴈。相逢又背飛。  
酬田卿送西遊

馬戴

華堂開翠簾。惜別玉壺深。客去當煩暑。蟬鳴復此心。  
廢城喬木在。古道濁河侵。莫慮西遊遠。西關絕隴陰。  
酬別令狐補闕

李商隱

惜別夏仍半。迴途秋已期。那修直諫草。更賦贈行詩。  
錦段知無報。青萍肯見疑。人生有通塞。公等繫安危。  
警露鶴辭侶。吸風蟬抱枝。彈冠如不問。又到掃門時。  
答太原從軍楊員外送別

馬戴

君將海月珮。贈之光我行。見知言不淺。懷報意非輕。  
反照臨岐思。中年未達情。河梁人送別。秋漢鴈相鳴。  
衰柳搖邊吹。寒雲冒古城。西遊還獻賦。應許託平生。  
酬樂天重寄別

元稹

却報君侯聽。苦辭老頭拋。我去何之武。牢關外。雖分  
手不似如今衰。白時



道州酬送何山人之容州 呂 温

匣有青萍筒有書。何門不可曳長裾。應須定取真知者。遣對明君說子虛。

酬別留後侍郎 韓 愈

為文無出相如右。謀帥難居郤縠先。歸去雲消溱洧動。西來旌旆拂晴天。

酬別周從事二首 白居易

腰痛拜迎人客倦。眼昏勾押簿書難。辭官歸去緣衰病。莫作陶潛范蠡看。

洛下田園久拋擲。吳中歌酒莫留連。高陽雲樹伊川

月已校歸遲四五年

晚至宣溪辱韶州張端公使君惠書叙別酬

以絕句二章 韓 愈

韶州南去接宣溪。雲水蒼茫日向西。客淚數行元自落。鷓鴣休傍耳邊啼。

兼金那足比清文。白首相隨愧使君。俱是嶺南巡管內。莫欺荒僻斷知聞。

酬吳秀才雪川相送 韋 莊

一葉南浮去似飛。楚鄉雲水本無依。離心不忍聞春鳥。病眼何堪送落暉。摻袂客從花下散。棹舟人向鏡



中歸夫君別我應惆悵十五年來識素衣

再授連州至衡陽酬贈別 柳宗元

去國十年同赴召湘江千里又分岐重臨事異黃丞  
相三黜名慙柳士師歸日併隨迴鴈盡秋腸正遇斷  
猿時桂江東過連山下相望長吟有所思

尹河南酬別樂天夢得 馮宿

共稱洛邑難其選何幸天書用不才遙約和風新草  
木且令新雪靜塵埃臨岐有愧傾三省別酌無辭醉  
百盃明歲杏園花下集須知春色自東來

浙東罷府西歸道經吳中廣文張博士皮先

輩陸秀才皆以雅篇相送不量荒詞亦用

酬別 李穀

豈有頭風筆下痊浪成蠻語向初筵蘭亭舊趾雖曾  
見柯笛遺音更不傳照耀文星吳分野留連花月晉  
名賢相逢只恨相知晚一曲驪歌又幾年

酬別微之 白居易

澧頭峽口錢塘岸三別都經二十年且喜筋骸都健  
在勿嫌鬚鬢各皤然君歸北闕朝天帝我住東京作  
地仙博望自來非棄置承明重入莫拘牽醉收盃杓  
停燈語寒展衾裯對枕眠猶被分司官繫絆送君不



得過甘泉

寄別

寄別李儋

韋應物

首戴惠文冠心有決勝籌翩翩四五騎結束向并州

名在相公幕

一作府

丘山恩未酬妻子不及顧親友安

得留宿昔同文翰交分共綢繆忽枉別離札涕淚一

交流遠郡臥殘疾

一作雨

涼氣滿西樓想子臨長路時

當淮海秋

十年一相見世路信多岐雲雨易分散山川長間之

我銜鳳闕恩按獄橋山陞君在龍驤府掌奏羽檄詞

相去百餘里魂夢自相馳形容在胸臆書札通相思

煩君愛我深輕車忽載脂塞門秋色老霜氣方凝姿

此地少平川岡阜相參差誰知路非遠行者多云疲

君能犯勁風信宿凌欹危情親不自倦下馬開雙眉

相對坐沈吟屈指驚歲時萬事且莫問一盃欣共持

鳴鳥忽西傾明蟾挂高枝卷簾引瑤玉滅燭臨霜墀

中庭有疎蘆淅淅聞風吹長河卷雲色凝碧無瑕疵

一言開我懷曠然澹希夷悠悠夜方永冷思偏相宜

眉睫無他人與君間解題陶然叩寂寞更請吟清詩



得意且忘言何况竹與絲頃刻過三夕起坐輕四支  
明朝告行去慘然還別離出門送君去君馬揚金羈  
迴來坐空堂寂寞無人知重重碧雲合何處尋佳期  
除官行至昭應聞友人出官因寄

杜牧

賤子來千里明公去一麾可能休涕淚豈獨感恩知  
草木秋風後山川落照時如何望故國驅馬却遲遲

將別寄友人

馬戴

帝鄉歸未得辛苦事羈遊別館一罇酒客程千里秋  
霜風紅葉寺夜雨白蘋洲長恐此時淚不禁和恨流

再赴桂州先寄李大夫

戎昱

玷玉甘長棄朱門喜再遊過因讒後重恩合死前酬  
養驥須憐瘦栽松莫厭秋今朝兩行淚一半血和流

酬皇甫冉將赴無錫雲門寄別

僧靈一

湖南通古寺來往意無涯欲識雲門路千峰向若耶  
春山子猷宅古木謝敷家自是長俱隱那云相去賒

寄別朱拾遺

劉長卿

天書遠召滄浪客幾度臨岐病未能江海茫茫春欲  
遍行入一騎發金陵



重寄別微之

白居易

憑仗江波寄一辭，不須惆悵報微之。猶勝往歲峽中別，灑灑堆邊招手時。

赴安南却寄台司

高駢

曾驅萬馬靜江山，風去雲迴頃刻間。今日海門南事莫教還似鳳林關。

奉寄別馬巴州

杜甫

勲業終歸馬伏波，功曹非復漢蕭何。扁舟繫纜沙邊久，南國浮雲水上多。獨把漁竿終遠去，難隨鳥翼一相過。知君未愛春湖色，與在驪駒白玉珂。

別表兄軍倅

并序

許渾

予祇命南海，至廬陵逢表兄軍倅奉使淮海，別後却寄是詩。

盧橘花香拂釣磯，佳人猶舞越羅衣。三洲水淺魚來少，五嶺山高鴈到稀。客路晚依紅樹宿，鄉關朝望白雲歸。交親不念征南吏，一作客昨夜風帆去似飛。

將赴荆南寄別李劍州弟

杜甫

使君高義驅今古，寥落三年坐劍州。但有文翁能化俗，焉知李廣不封侯。路經灑灑雙蓬鬢，天入滄浪一釣舟。戎馬相逢更何日，春風回首仲宣樓。



宴別

宴別幼選與君貺兄弟

韋應物

乖闕

一作

意方

一作

弭安

知忽來

翔累日

重歡宴

一

日復離傷置酒慰茲夕秉燭坐華堂契濶未及展晨

星出東方征人慘已辭車馬儼成

一作

裝我懷

自無

懽原野滿春光

一作

群水含

時澤野

雉鳴

朝陽

平生

有壯志不覺淚沾裳况自守空宇日夕但彷徨

江上燕別

許渾

雲物如故鄉山川異岐路年來未歸客馬上春欲暮

一樽花下酒殘日水西樹不待管絃終搖鞭背花去

巫山縣汾州唐十八使君弟宴別兼諸公攜

酒樂相送率題小詩留于屋壁

杜甫

臥病巴東久今年強作歸故人猶遠謫茲日倍多違

接宴身兼杖聽歌淚滿衣諸公不相棄擁別借光輝

雪上宴別

許渾

山斷水茫茫洛人

一作

西路長

笙歌留

遠棹風

雨寄

華堂紅壁耿秋燭翠簾

一作

凝曉香

誰堪從

此去雲

樹滿陵陽

秋宵燕別盧侍御

朱慶餘



風亭絃管絕玉漏一聲新綠茗香醒酒寒燈靜照人  
清班無意戀素業本來貧明發青山道誰逢去馬塵

潯陽宴別

白居易

鞍馬軍城外笙歌祖帳間乘潮發湓口帶雪別廬山  
暮景牽行色春寒散醉顏共嗟炎瘴地盡室得生還

花下宴送鄭鍊師

戎昱

愁惜春深聞幽卽共尋貴看花裏色圖放別離心  
客醉花能笑詩成花伴吟爲君調綠綺先奏鳳歸林

宴餞李員外

并序

許渾

李群之員外從事荆南尚書揚公詔徵赴闕俄爲

淮南相國杜公辟命自漢上舟行至此郡于雲樓

燕罷解纜阻風却回因贈

病守江城眼暫開昔年吳越共銜盃膺舟出鎮虛陳  
榻鄭履還京下隗臺雲葉漸低朱閣掩浪花初起畫  
檣回心期解印同君醉九曲池西望月來

將爲南行陪尚書崔公宴海榴堂

許渾

朝燕華堂暮未休幾人偏得謝公留風傳鼓角霜侵  
戟雲卷笙歌月上樓賓館盡開徐穉榻客帆空戀李  
膺舟謾誇書劍無歸處水遠山高步步愁



潁州從事西湖亭燕餞 許渾

西湖清燕不知回一曲離歌酒一盃  
城帶夕陽聞鼓角寺臨秋水見樓臺  
蘭堂客散蟬猶噪桂楫人稀鳥自來  
獨想征車過鞏洛此中霜菊遶潭開

別張秀才 并序 許渾

余與張秀才同出關至少府余取南道至洛下張  
由北路抵江東因幕中燕餞遂賦詩以別  
不知何計寫離憂萬里山川半舊遊  
風捲暮沙和雪起日融春水帶冰流  
凌晨客淚分東郭竟夕鄉心共北樓  
青桂一枝年少事莫因鱸膾涉窮秋

南海府罷南康阻淺行侶稍稍登陸主人燕

餞至頻暮宿東溪 許渾

暗灘水落漲虛沙灘去秦吳萬里賒  
一作馬上折殘江北柳舟中開盡嶺南花  
離歌不斷如留客歸夢初驚似到一作別家  
山鳥一聲人未起半牀春月在天涯

江樓宴別 白居易

樓中別曲催離酌燈下紅裙間綠袍  
縹緲楚風羅綺薄錚鏦越調管絃高  
寒流帶月澄如鏡夕吹和霜利似刀  
樽酒未空歡未盡舞腰歌袖莫辭勞

餞駱四得鐘字二首 駱賓王



唐詩類苑 卷之二十一  
平生何以樂斗酒夜相逢曲中驚別緒醉裏失愁容  
星朗懸秋漢風香入曙鐘明日臨溝水青山幾萬重

二

甲第驅車入良宵秉燭遊人追竹林會酒獻菊花秋  
霜吹飄無已星河漫不流重嗟歡賞地翻召別離憂

唐詩類苑卷第一百九終

唐詩類苑卷第一百十

明雲間張之象玄超甫纂輯

雲間杜士全道執甫編次

雲間王徹叔朗甫補訂

梁谿曹仁孫伯安甫校正

人部

遊覽

冬日遊覽

王維

步出城東門試騁千里目青山橫蒼林赤日團平陸  
渭北走邯鄲關東出函谷秦地萬方會來朝九州牧



唐詩類苑 卷之三百一  
鷄鳴咸陽中冠蓋相追逐丞相過列侯群公餞光祿相如方老病獨歸茂陵宿

遊石門墨山二山相連有禪堂觀天下絕境

張說

茵輪江上山近在華容縣常涉巴丘首天晴遙可見  
佳遊屢前諾芳月愆幽眷及此符守移歡言臨道便  
既攜賞心客復有送行掾竹徑入陰窅松崖上空蒨  
草共林一色雲與峰萬變探窺石門斷緣越沙間轉  
兩山勢爭雄峰巘相顧盼藥妙靈仙寶境華巖壑選  
清都西淵絕金地東敞宴池果接園畦風煙邇臺殿

高尋去石頂曠覽天宇遍千山紛滿目百川對面  
騎來雲飛迎人去鳥聲戀長揖桃源士舉世同企羨

和張監遊終南

張說

宿懷終南意及此語雲峰夜聞竹澗靜曉望林嶺重  
春煙生古石時鳥戲幽松豈無山中賞但畏心莫從

遊敬亭寄崔侍御

李白

我家敬亭下輒繼謝公作相去數百年風期宛如昨  
登高素秋月下望青山郭俯視鴻鷺群飲啄自鳴躍  
夫子雖蹭蹬瑤臺雪中鶴獨立窺浮雲其心在寥廓  
時一顧我笑一飯葵與藿世路如秋風相逢盡蕭索



腰間玉具劍意許無遺諾壯士不可輕相期在雲閣  
自梁園至敬亭山見會公稱陵陽山水兼期

同遊因有此贈

李白

我隨秋風來瑶草恐衰歇中途寡名山安得弄雲月  
渡江如昨日黃葉向人飛敬亭愜素尚弭棹流清輝  
冰谷明且秀陵巒抱江城粲粲吳與史衣冠耀天京  
水國饒英奇潛光臥幽草會公真名僧所在即為寶  
開堂振白拂高論橫青雲雪山掃粉壁墨客多新文  
為予話幽棲且述陵陽美天開白龍潭月映清秋水  
黃山望石柱突兀誰開張黃鶴久不來子安在蒼茫

東南焉可窮山鳥飛絕處稠疊千萬峰相連入雲去  
聞此期振策歸來空閉關相思如明月可望不可攀  
何當移白足早晚凌蒼山且寄一書札令予解愁顏

龍門遊眺

韋應物

鑿山導伊流中斷若天闢都門遙相望佳氣生朝夕  
素懷出塵意適有攜手客精舍繞一作繚層阿千龕鄰  
一作鱗峭壁緣雲路猶緬憇澗鐘已寂花樹發煙華淙  
流散石脉長嘯招遠風臨潭漱金碧日落望都城人  
間何役役一作作徘徊悵還駕城闕多物役

洛都遊寓

韋應物



東風日已和元化亮無私草木同時植生條有高卑  
罷官守園廬豈不懷渴饑窮通非所干跼促當何爲  
佳辰幸可遊親友亦相追朝從華林宴暮返東城期  
掇英出蘭臯翫月步川坻軒冕誠可慕所憂在繫維

送蘇倩遊天台

張子容

靈異尋滄海笙歌討翠微江水一作鷗迎近一作狎雲  
鶴待將飛琪樹攀一作嘗一作仙果瓊樓試羽衣遙知神女

問獨怪阮郎歸

送張綰遊鍾陵

羅隱

南憶龍砂兩岸行當時天下尚清平醉眠野寺花方

落吟得江樓月欲明老去亦知難重到亂來爭肯不  
牽情西山十二真人在從此煩君話姓名

遊陸渾南山自歇馬嶺到楓香林以詩代書

答李舍人適

宋之問

晨登歇馬嶺遙望伏牛山孤出群峰首巖熊元氣間  
太和亦崔嵬石扇橫閃倏細岑互攢倚浮巘競奔蹙  
白雲遙入懷青雲近可掬徒尋靈異迹周顧愜心目  
晨拂鳥路行暮投人煙宿間關踏雲雨繚繞緣水木  
西見商山芝南到楚鄉竹楚竹幽且深半雜楓香林  
浩歌青潭曲寄爾桃源心



遊輞川至南山寄谷口王十六

錢起

山色不厭遠我行隨處深  
蹟幽青蘿逕思絕孤霞岑  
獨鶴引過浦鳴猿呼入林  
褰裳百泉裏一步一清心  
王子在何處隔雲鷄犬音  
折麻定延佇乘月期招尋  
陪王侍御同登東山最高頂  
宴姚通泉晚攜

酒汎江

杜甫

姚公美政誰與儔不減昔時陳太丘  
邑中上客有柱史多暇日陪驄馬遊  
東山高頂羅珍羞不顧城郭銷  
我憂清江白日落欲盡復攜美人登  
彩舟笛聲憤怒

哀中流妙舞逶迤夜未休  
燈前往往大魚出聽曲低  
昂如有求三更風起寒浪湧  
取樂喧呼覺船重滿空  
星河光破碎四座賓客色不動  
請公臨深莫相違迴  
船罷酒上馬歸人生歡會豈有極  
無使霜露沾人衣

同樊潤州遊郡東山

皇甫冉

北固多陳迹東山復盛遊  
鏡聲發大道草色引行騶  
此地何時有長江自古流  
頻隨公府步南客寄徐州

奉和夏日遊山應制

蔡文恭

首夏林壑清薄暮煙霞上  
連巖聳百仞絕澗臨千丈  
照灼晚花鮮潺湲夕流響  
悠然動睿思息駕尋真賞



揆彼渦川作懷茲洛濱想竊吹等齊竿何用承恩獎  
春晚從李長史遊開道林故山

駱賓王

幽尋極幽壑春望陟春臺雲光棲斷樹靈影入仙杯  
古藤依路上野徑約山隈落葉翻風去流鶯滿樹來  
興闌荀御動歸路起浮埃

自大散以往深林密竹磴道盤曲四五十里

至黃牛嶺見黃花川 王維

危徑幾萬轉數里將三休迴環見徒侶隱映隔林丘  
颯颯松上雨潺潺石中流靜言深溪裏長嘯高山頭

望見南山陽白露靄悠悠青臯麗已淨綠樹鬱如浮  
曾是厭蒙密曠然消人憂

登西南岡卜居遇雨尋竹浪至澧壩縈帶數  
里清流茂樹雲物可賞 韋應物

登高創危構林表見川流微雨颯已至蕭條川氣秋  
下尋密竹盡忽曠沙際遊紆曲水分野綿延稼盈疇  
寒花明廢墟樵牧笑榛丘雲水成一作交陰澹竹樹更

清幽適自戀佳賞一作愜心賞復茲永日留

同房侍御山園新亭與邢判官同遊

高適



唐詩類及 卷之二十一  
隱隱春城外蒙籠陳跡深君子顧榛莽與言傷古今  
決河導新流疏逕蹤舊林開亭俯川陸時景宜招尋  
肅穆逢使軒夤緣事登臨忝遊芝蘭室還對桃李陰  
岸遠白波來氣喧黃鳥吟因覩歌頌作始知經濟心  
灌壇有遺風單父多鳴琴誰爲久州縣蒼生懷德音

出境遊山二首

王勃

源水終無路山阿若有人驅羊先動石走兔欲投巾  
洞晚秋泉冷巖朝古樹新斜峰連鳥翅疊磴上魚鱗  
化鶴千齡早元龜六代春浮雲今可駕滄海自成塵

二

振翮疲霜吹正月佇天潯回鑣凌翠壑飛軫控青岑  
巖深靈竈沒澗毀石渠沈宮闕雲間近江山物外臨  
玉壇棲暮夜珠洞結秋陰瀟瀟離俗影擾擾望鄉心  
誰意山遊好屢傷人事侵

祇役駱口與王質夫同遊秋山

白居易

石擁百泉合雲破千峰開平生煙霞侶此地重徘徊  
今日勤王意一半爲山來

出山吟

白居易

朝詠遊仙詩暮歌採薇曲臥雲坐白石山中十五宿



唐詩類苑 卷之百一  
行隨出洞水迴別緣巖竹早晚重來遊心期瑤草綠  
送嚴使君遊山 司空曙

家楚依三戶辭州選一錢酒盃同寄世客棹任銷年  
赤燒兼山遠青蕪與浪連青春明月夜知上鄂君船

遊仙山

白居易

闇將心地出人間五六年來人怪閑自嫌戀着未全  
盡猶愛雲泉多在山

和樂天招錢蔚章看山絕句

元稹

碧落招邀閑曠望黃金城外玉方壺人間還有大江

海萬里煙波天上無

遊禹穴迴出若耶

宋之問

禹穴今朝到耶溪此路通著書聞太史鍊藥有仙翁  
鶴往籠猶挂龍飛劍已空石帆搖海上天鏡落湖中  
水底零露白山邊墜葉紅歸舟何慮晚日暮使樵風

送友人尋越中山水

李白

聞道稽山去偏宜謝客才千巖泉灑落萬壑樹縈迴  
東海橫秦望西陵繞越臺湖清霜鏡曉濤白雪山來  
八月枚乘筆三吳張翰杯此中多逸興早晚向天台

越中山水

孟郊



自一作動覺耳目勝我來山水州蓬瀛若髮髯田野如  
泛浮碧嶂幾千遶清泉一作源萬餘流莫窮合沓步孰  
盡派別遊越水淨難汚越天陰易收氣鮮無隱物目  
視遠更周舉俗媚蔥蒨連冬擷芳柔菱湖有餘翠茗  
圃無荒疇賞異忽已遠探奇誠淹留永言終南色去  
矣銷人憂

送無懷道士遊富春山水一作送別吳逸士歸山

孟郊

造化一作見絕高處富春獨多觀山濃翠滴灑一作樂水  
折珠摧殘溪鏡不隱髮樹衣長遇一作禦寒風猿虛空

飛月狷叫嘯酸信此神仙路一作樂豈為時俗安煮金  
陰陽火一作芙蓉水囚怪星宿壇花發我一作或未識玉生  
忽藂攢蓬萊浮蕩漾非道相從難

送紀秀才遊越 李白

海水不滿眼觀濤難稱心即知蓬萊石却是巨鰲簪  
送爾遊華頂令余發烏吟仙人居射的道士住山陰  
禹穴尋溪入雲門隔嶺深綠蘿秋夜月相憶在鳴琴

送王協律遊杭越十韻 元稹

去去莫悽悽餘杭接會稽松門天竺寺花洞若耶溪  
浣渚逢新豔蘭亭識舊題山經秦帝壘壘辨越王棲



江樹春常早城樓月易低鏡澄湖面帶雲疊海潮齊  
章甫官人戴尊絲姹女提長干迎客鬧小市隔煙迷  
紙亂紅藍壓甌凝碧玉泥荆南無底物來日為儂攜

送姚郎中罷郡遊越

鄭巢

逍遙方罷郡高興接東甌幾處行杉逕何時宿石樓  
潮聲穿古竇華影在空舟惆悵雲門路無因得從遊

送崔叔清遊越

韋應物

忘茲適越意愛我郡齋幽野情豈好謁詩興一相留  
遠水帶寒樹閭門望去舟方伯憐文士無為成滯遊

送李評事遊越

張籍

未習風塵事初為吳越遊露霑湖草晚一作日照海  
山秋梅市門何在蘭亭水尚流西陵待潮處知汝不  
勝愁

無錫東郭送友人遊越

劉長卿

客路風霜曉郊原春興餘平蕪不可望遊子去何如  
煙水乘湖濶雲山逼越初舊都懷作賦古穴覓藏書  
碑缺曹娥宅林荒逸少居江湖無限意非獨為樵漁

送友人遊吳

儲嗣宗

吳山清楚吟草色異鄉心一酌水邊酒數聲花下琴  
登樓舊國遠探穴九疑深更想逢秋節那堪聞夜碁



金陵送張十一再遊東吳 李白

張翰黃花句風流五百年誰人今繼作夫子世稱賢  
再動遊吳棹還浮入海船春光白門柳霞色赤城天  
去國難為別思歸各未旋空餘賈生淚相顧共悽然

送盧士遊吳越 温庭筠

羨君東去見殘梅唯有王孫獨未迴吳苑夕陽明古  
堞越宮春草上高臺波生野渚鳳初下風滿驛樓潮  
乍來試逐漁舟看雪浪幾多江燕荇花開

送王十一郎游剡中 元稹

越州都在浙河灣塵土消沈景象閒百里油盆鏡湖

水千峰鈿朶會稽山軍城樓閣隨高下禹廟煙霞自  
往還想得玉郎乘畫舸幾回明月墜雲間

送楊皞擢第遊江南 錢起

行人臨水去新詠復新愁萬里高秋月一作孤山遠  
別時挂帆嚴子瀨酌酒敬亭祠歲晏無芳杜如何寄  
所思

送夏侯審參軍游江東 李嘉祐

袖中多麗句未遣世人聞醉夜眠江月閒時逐海雲  
荻花寒漫漫鷗鳥暮群群若到長沙苑漁家更待君

送元八遊汝南 劉長卿



元生實奇邁幸此論疇昔刀筆素推高鋒鉞久無敵  
縱橫濟時意跌宕過人蹟破產供酒錢盈門皆食客  
田園須失計資用深相迫生事誠可憂嚴裝遠何適  
世情薄恩義俗態輕窮厄四海金雖多其如向人情  
迢遞朗陵道悵望都門夕向別伊水南行看楚雲隔  
繁蟬動高柳匹馬嘶平澤潢潦今正深陂湖未澄碧  
人生不得已自可甘形役勿復樽前酒離居剩悽戚

送喻坦之遊太原

曹松

北鄙征難盡詩愁滿去程廢巢侵燒色荒塚入鋤聲  
逗野河流濁離雲磧日明并州戎壘地角動引風生

送友人遊河東

項斯

停車曉燭前一語幾潛然路去干戈日鄉遥饑饉年  
湖波晴見鴈槐驛晚無蟬暮縱經時住東南書信偏

送蘇修遊上饒

崔峒

愛爾無羈束雲山恣意過一身隨遠岫孤棹任輕波  
世事關情少漁家寄宿多蘆花淺澹處江月柰人何

遊洞庭湖湘

張說

緬邈洞庭岫蔥蒙水霞色宛在太湖中可望不可卽  
剖竹守窮渚開門對奇域城池自繫籠纓綬爲徽纒  
靡日不思往經時始願克飛棹越溟波維舟恣攀陟



穿窬入雲步崎嶇倚松息巖壇有鶴過壁宇無人識  
滴石香乳溜垂崖靈草植玩幽輕霧阻討異忘曠逼  
寒沙際水平霜樹籠煙直空宮開莫覩地道窺難測  
此處學金丹何人生羽翼誰傳九光要幾拜三仙職  
紫氣徒想像清潭長渺默霓裳若有來覲我雲峰側

遊洞庭洞湘

張說

平湖曉望分仙嶠氣氤氳鼓枻乘清渚尋峰弄白雲  
江寒天一色日靜水重紋樹坐參猿嘯沙行入鷺群  
緣源斑篠密胷徑綠蘿紛洞穴傳虛應楓林覺自薰  
雙童有靈藥願取獻明君

送顧道士遊洞庭

僧皎然

見說洞庭無上路春遊亂踏五靈芝含桃風起花狼  
籍正是仙翁棊散時

送崔嶠遊瀟湘

賈島

功烈尚書孫琢磨風雅言渡河山鑿處陟峴漢灘喧  
夢想吟天目宵同話石門楓林葉欲下極浦月清暎

送客遊荊州

李嘉祐

草色隨驄馬悠悠共出秦水傳雲夢曉山接洞庭春  
帆影連三峽猿聲在四鄰青門一分手難見杜陵人

遊襄陽泉石晚歸

錢起



唐言類考 卷之二十一  
遊目隨山勝迴繞愛浦長往來幽不淺昏旦興難忘  
木末看歸翼蓮西失夕陽人聲指閭井野趣惜林塘  
稍近垂楊路菱舟擁岸香

朱坡

林寬

朱坡坡上望不似在秦京漸覺溪山秀更高魚鳥情  
夜吟禪子室曉爨獵人鐙恃此偷佳賞九衢蜩未鳴

遊枋口二首

孟郊

一步復一步出行千里幽爲取山水意故作寂寞遊  
太行青巔高枋口碧照浮明月無底鏡泛泛忘機鷗  
老逸不自限病狂不可周恣閑饒淡薄忘玩多淹留

芳物競晼晚綠梢挂新柔和友鸞相遶言語亦以稠  
始知萬類然靜躁難相求

聳我殘病骨健如一仙人鏡中照千里鏡裏洞百神  
此神日月華不作尋常春三十夜皆明四時晝恒新  
鳥聲盡依依獸心亦忻忻澄幽出所怪閱異坐微細  
可來復可來此地靈相親

與王貞外涯遊枋口柳溪 孟郊

萬株古柳根挈此磷磷溪野榜多屈曲仙潯無端倪  
春桃散紅煙寒竹含晚淒曉聽忽以異芳樹安能齊  
共疑落鏡中坐泥紅景低水意酒易醒浪情事非迷



唐詩類考 卷之二十一 十四  
小儒峭章句大賢嘉提攜潛竇韻靈瑟翠崖鳴玉珪  
主人稷尚翁德茂芝木畦鑿出幽隱端氣象皆昇躋  
曾是清樂抱逮茲幾省溪宴位席蘭草濫觴驚鳧鷖  
靈味薦魴辦金花屑橙壑江調擺襄俗洛風遠塵泥  
徒言奏狂狷詎敢忘筌蹄

遊湓水

白居易

四月未全熱麥涼江氣秋湖山處處好最愛湓水頭  
湓水從東來一派入江流可憐似縈帶中有隨風舟  
命酒一臨帆捨鞍揚棹謳放迴岸傍馬去逐波間鷗  
煙浪始渺渺風襟亦悠悠初疑上河漢中若尋瀛洲

汀樹綠拂地沙草芳未休青蘿與紫葛枝蔓垂相樛  
繫纜步平岸迴頭望江州城雉 水見隱隱如蜃樓  
日入意未盡將歸復少留到官行半載今日方一遊  
此地來何暮可以寫吾憂

遊石龍渦

四壁千仞散泉如雨

孟郊

石龍不見形石雨如散星山下晴皎皎山中陰泠泠  
水飛林木杪珠綴莓苔屏蓄異物皆別當辰景欲暝  
泉芳春氣碧松月寒色青險力此獨壯猛獸亦不亭  
日暮且迴去浮心恨未寧

遊涇川琴溪

武平一



原言卷之十一  
三五  
三五  
環潭澄曉色疊嶂照秋影幽致忻所逢紛慮自茲屏

南園陪王卿遊曠

韋應物

形迹雖拘檢世事澹無心郡中多山水日夕聽幽禽  
几閣文墨暇園林春景深雜花芳意散綠池暮色沈  
君子有高躅相攜在幽尋一酌何爲貴可以寫冲襟

晦日任橋池亭

儲光羲

溫泉作天邑直北開新洲未有菰蒲生卽聞鳧鴈遊  
六亭在南岸數島居中流晦日望清波相與期汎游  
西道苦轉轂北堤疲行舟清冷水木陰纔可適我憂

朝回遊城南

白居易

朝退馬未困秋初日猶長迴轡城南去郊野正清涼  
水竹夾小徑縈迴繞川崗仰看晚山色俯弄秋泉光  
青松繫我馬白石爲我牀常時簪組累此日和身忘  
旦隨鷓鴣來暮遊鷗鴈傍機心一以盡兩處不亂行  
誰辨心與迹非行亦非藏

與皇甫庶子同遊城東

白居易

閒遊何必多徒侶相勸時時舉一杯博望苑中無職  
役建春門外足池臺綠油剪葉蒲新長紅蠟粘枝杏  
欲開白馬朱衣兩宮相可憐天氣出城來

春遊

李商隱



唐言類及 卷之二十一  
橋峻斑駁疾川長白鳥高煙輕唯潤柳風濫欲吹桃  
徙倚三層閣摩挲七寶刀庾郎年最少青草妬春袍

春遊望仙谷

儲嗣宗

清無車馬塵深洞百花春鷄犬疑沾藥耕桑似避秦  
登山採樵路臨水浣紗人若得心無事移家便卜鄰  
酬樂天早春閒遊西湖頗多野趣恨不得與  
微之同賞因思在越官重事殷鏡湖之遊  
或恐未暇因成十八韻見寄樂天前篇到  
時適會予亦宴鏡湖南亭因述目前所睹  
以成酬答末章亦示暇誠則勢使之然亦

欲粗爲恬養之贈耳

元稹

鴈思欲迴賓風聲乍變新各攜紅粉妓俱伴紫垣人  
水面波凝縠山腰虹音降似巾柳條黃大帶茭葑綠文  
茵雪盡纔通屐汀寒未有蘋向陽偏曬羽依岸小游  
鱗浦嶼崎嶇到林園次第巡墨池憐嗜學丹井羨登  
真逸少墨池穉川丹井皆越中異跡雅嘆遊方盛聊非意所親白頭  
辭北闕滄海是東鄰問俗煩江界蒐畋想渭津故交

音信少歸夢往來頻獨喜同門舊皆爲列郡臣三刀  
連地軸一葦礙車輪尚阻青天霧空瞻白玉塵龍因  
雕字識犬爲送書馴勝事無窮境流年有限身懶將



唐言類交 卷之二 閒氣力爭鬪野塘春

春來頻與李二賓客郭外同遊因贈長句

白居易

風光引步酒開顏送老銷春嵩洛間朝踏落花相伴  
出暮隨飛鳥一時還我為病叟誠宜退君是才臣豈  
合閒可惜濟時心力在放教臨水復登山

閒出覓春戲贈諸郎

白居易

年來數出覓風光亦不全閒亦不忙放鞚體安騎穩  
馬隔袍身暖照晴陽迎春日日添詩思送老時時放  
酒狂除却髭鬚白一色其餘未伏少年郎

送包何東遊

錢起

水國嘗獨往送君還念茲湖山遠近色昏旦煙霞時  
予好謝公跡常吟孤嶼詩果乘扁舟去若與白鷗期  
野趣及春好客遊欣此辭入雲投館僻采碧過帆遲  
江上日迴首琴中勞別思春鴻刷歸翼一寄杜蘅枝

送杜秀才東遊

馬戴

羈遊年復長去日值秋殘草出函關白雲藏野渡寒  
鴻多霜雪重山廣道途難心事何人識斗牛應數看

送友人南遊

劉長卿

不愁尋水遠自愛逐連山雖在春風裏猶從芳草間



唐詩卷之二十一  
去程何用計勝事且相關旅逸同群鳥悠悠往復還

南遊

曹松

直到南箕下方諳漲海頭君恩過銅柱戎節限交州  
犀占花陰臥波衝瘴色流遠夷非不樂自是北人愁

送人南遊

僧貫休

且聽吟贈遠君此去蒙州瘴國頻聞說邊鴻亦不遊  
蠻花藏孔雀野石隱犀牛到彼誰相慰知音有郡侯

送客南遊

馬戴

擬卜何山隱高秋指嶽陽葦乾雲夢色橘熟洞庭香  
疎雨殘虹影回雲背鴈行靈均如可問一爲哭清湘

送前緱氏韋明府南遊

許渾

酒闌橫劍歌日暮望關河道直去官早家貧爲客多  
山昏函谷雨木落洞庭波莫盡遠遊興故園荒薜蘿

送李定言南遊

許渾

酒酣輕別恨酒醒復離憂遠水應移棹高峰更上樓  
簟涼清露夜琴響碧天秋重惜芳樽宴滿城無舊遊

送薛秀才南遊

許渾

姑蘇城外柳初凋同上江樓更寂寥遶壁舊塵風漠  
漠對窻寒竹雨蕭蕭看君別路隨秋鴈盡我離觴任  
晚潮從此草玄應有處白雲青草一相招



南遊

曹唐

盡興南遊卒未迴  
水工舟子不須催  
政思碧樹關心句  
難放紅螺蘸甲杯  
漲海潮生陰火滅  
蒼梧風暖瘴雲開  
蘆花寂寂月如練  
何處笛聲江上來

遊南寓題

黃滔

江山節被雪霜遺  
毒草過秋未擬衰  
天不當時命鄒衍  
亦將寒律入南吹

出遊

僧皎然

少時不見山便覺  
無奇趣狂發從亂  
歌情來任閒步此  
心誰共證笑看風  
吹樹

曾遊

戴叔倫

泊舟古城下高閣  
快登眺大江會彭  
蠡群峰豁玄嶠清  
影涵空明黛色凝  
遠照碑留太史書  
詞刻長公調絕粒  
感楚囚丹衷猶照  
耀懷哉不可招  
凭闌一悲嘯

眺望

登北印還望京洛

鄭世翼

步登北印阪踟躕  
聊寫望宛洛盛皇  
居規模窮大壯三  
河分設險兩峭資  
巨防飛觀紫煙中  
層臺碧雲上青槐  
夾馳道迢迢修且  
曠左右多第宅參  
差居將相清晨謁  
帝返車馬相追訪  
胥徒各異流文物  
紛殊狀



唐言類考 卷之一百一  
噐塵暗天起簫管從風颺伊余忠孤一作且直生平獨  
淪喪山幽有桂叢何爲坐惆悵

登荊州城望江

張九齡

滔滔大江水天地相終始經閱幾世人復歎誰家子  
東望何悠悠西來晝夜流歲月旣如此爲心那不愁  
秋晚登樓望南江入始興郡路

張九齡

潦收沙衍出霜降天宇晶伏檻一長眺津途多望情  
思來江山外望盡煙雲生滔滔不自辨役役且何成  
我來颯衰鬢孰云飄華纓馬苦蹉跎籠禽念遐征  
歲陰向晚晚日夕坐屏營物生貴得性身累猶近名  
內顧覺今是追歡何時平

同薛司直秋霽曲江俯見南山作

高適

南山鬱初霽曲江湛不流若臨瑤池間想望崑崙丘  
迴首見黛色眇然波上秋深沈俯崢嶸清淺延阻修  
連潭萬木影插岸千巖幽杳藹信難測淵淪無暗投  
片雲對漁父獨鳥隨虛舟我心寄青霞世事慙白鷗  
得意在乘興忘懷非外求良辰自多暇忻與數子遊  
自潘陵尖還少室居止秋夕憑眺



岑參

草堂近少室夜靜聞風松月出潘陵尖照見十六峰  
九月山葉赤溪雲澹秋容火點伊陽村煙深嵩角鐘  
尚子不可見蔣生難再逢勝愜只自知佳趣爲誰濃  
昨詣山僧期上到天壇東向下望雷雨雲間見回龍  
夕與人群疎轉愛丘壑中心澹水木會與幽魚鳥通  
稀微了自釋出處乃不同况本無宦情誓將依道風  
潭石淙望秦嶺微雨作貽友人

岑參

昨夜雲際宿旦從西峰回不見林中僧微雨潭上來

諸峰皆青翠秦嶺獨不開石鼓有時鳴秦王安在哉  
東南雲開處突兀獼猴臺崖口懸瀑流半空白皚皚  
噴壁四時雨傍村終日雷北瞻長安道日夕多塵埃  
若訪張仲蔚衡門滿蒿萊

登梅岡望金陵贈族姪高座寺僧中孚

李白

鍾山抱金陵霸氣昔騰發天開帝王居海色照空闕  
群峰如逐鹿奔走相馳突江水九道來雲端遙明沒  
時遷大運去龍虎勢休歇我來屬天清登覽窮楚越  
吾宗挺禪伯特秀鸞鳳骨衆星羅青天明者獨有月



冥居順生理草木不剪伐煙窗引薔薇石壁老野蕨  
吳風謝安屐白足傲履憒幾宿一下山蕭然忘干謁  
談經演金偈降鶴舞海雪時聞天香來了與世事絕  
佳遊不可得春去惜遠別賦詩留崑屏千載庶不滅

秋登蘭山寄張五

孟浩然

北山白雲裏隱者自怡悅相望始登高心隨飛鴈滅  
愁因薄暮起興是清秋發時見歸村人平涉渡頭歇  
天邊樹若薺江畔舟如月何當載酒來共醉重陽節  
望九華贈青陽韋仲堪  
李白  
昔在九江上遙觀九華峰天河挂綠水秀出九芙蓉

我欲一揮手誰人可相從君爲東道主于此臥松雲

登東海龍興寺高頂望海簡演公

劉長卿

胸山壓海口永望開禪宮元氣遠相合太陽生其中  
豁然萬里餘獨爲百川雄白波走雷電黑霧藏魚龍  
變化非一狀晴明分衆容煙開秦帝橋隱隱橫殘虹  
蓬島如在眼羽人那可逢偶聞真僧言甚與靜者同  
幽意頗相愜賞心殊未窮花間午時梵雲外春山鐘  
誰念遽成別自憐歸所從他時相憶處惆悵西南峰

登高望洛城作

元稹



唐言類考 卷之一百一  
高臺造雲端遐瞰周四垠雄都定鼎地勢據萬國尊  
河嶽出雲雨土圭酌乾坤舟通一作盈南越貢城背北  
印原帝宅夾清洛丹霞捧朝暎蔥籠瑤臺樹窳窳雙  
闕門十載構屯難兵戈若一作久雲屯膏腴滿榛蕪比  
屋空毀垣聖主乃東眷俾賢拯元元熙熙居守化汎  
汎太府恩至損當一作方受益苦寒必生温平明四城  
開稍見市井喧坐感理亂迹永懷經濟言吾生自不  
達空鳥何翩翩天高水流遠日宴城郭昏徘徊訖日  
夕聊用寫憂煩

西原晚望

白居易

花菊引閒行行上西原路原上晚無人因高聊四顧  
南阡有煙火北陌連虛墓村鄰何蕭疎近者猶百步  
吾廬在其下寂寞風日暮門外轉枯蓬籬根伏寒兔  
故園汴水上離亂不堪去近歲始移家飄然此村住  
新屋五六間古槐八九樹便是衰病身此生終老處

湖亭晚望殘水

白居易

湖上秋次寥湖邊晚蕭瑟登亭望湖水水縮湖底出  
清渟得早霜明滅浮殘日流注隨地勢窪坳無定質  
泓澄白龍臥宛轉青虵曲破鏡折劍頭光芒又非一  
久爲山水客見盡幽奇物及來湖亭望此狀難談悉



乃知天地間勝事殊未畢

登高山最高頂

白居易

高高此山頂四望唯煙雲下有一條路通達楚與秦  
或名誘其心或利牽其身乘者及負者來去何紘紘  
我亦斯人徒未能出囂塵七年三往復何得笑他人

太白西峰偶宿車祝二尊師石室晨登前巘

憑眺書懷卽事寄呈鳳翔齊員外張侍御

盧綸

弱齡誠昧鄙遇盛唯求止如何羈滯中得步青冥裏  
青冥有桂藜冰雪兩仙翁毛節未歸海丹梯閒倚空

逍遙擬上清洞府不知名黜罷雨當至客辭山忽明  
山明鳥聲樂日氣生崑壑崑壑樹修修白雲如水流  
白雲消散盡寒隴儼然秋積阻關河固綿聯烽戍稠  
五營承廟畧四野失邊愁吁嗟繫塵役又負靈仙迹  
芝朮自芳香泥沙幾沈溺書此欲沾衣平生事每違  
煙霄不可仰鸞鶴自追隨

望山

賈島

南山三十里不見踰一旬冒雨時立望望之如朋親  
虬龍一掬波洗蕩千萬春日日雨不斷愁殺望山人  
天事不可長勁風來如奔陰霽一作似掃浩翠瀉



國門長安百萬家家張屏新誰家最好山我願爲  
其鄰

登城春望

王勃

物外山川近晴初景靄新芳郊花柳遍何處不宜春

早春野望

王勃

江曠春潮白山長曉岫青他鄉臨眺極花柳映邊亭

登玉清

盧照隣

絕頂紅臨日孤峰半倚天徘徊拜真老萬里見風煙

望木瓜山

李白

早起見日出暮見接鳥還客心自酸楚况對木瓜山

杜陵絕句

李白

南登杜陵上北望五陵間秋水明落日流光滅遠山

登柳州峨山

柳宗元

荒山秋日午獨上意悠悠如何望鄉處西北是融州

次硤石

韓愈

數日方離雪今朝又出山試憑高處望隱約見潼關

樂遊

李商隱

向晚意不適驅車登古原夕陽無限好只是近黃昏

北眺春陵

駱賓王

總轡疲宵邁驅馬倦晨興旣出封泥谷還過避雨陵



山明行照上谿宿密雲蒸登高徒欲賦詞殫獨撫膺  
度荆門望楚 陳子昂

遙遙去巫峽望望下章臺巴國山川盡荆門煙霧開  
城分蒼野外樹斷白雲隈今日狂歌客誰知入楚來

登驪山高頂寓目

中宗

四郊秦漢國八水帝王都閭閻雄里閭城闕壯規模  
貫渭稱天邑含岐實奧區金門披玉館因此識皇一作  
黃圖

奉和聖製登驪山高頂寓目應制

李嶠

步輦陟山巔山高入紫煙忠臣還捧日聖后欲捫天  
迴識平林樹低看華嶽蓮帝鄉應不遠空見白雲懸  
奉和聖製登驪山高頂寓目應制

劉憲

驪阜鎮皇都鑿遊眺八區原隰旌門裏風雲辰坐隅  
直城如斗柄官樹似星榆從臣詞賦末濫得上天衢  
奉和聖製登驪山高頂寓目應制

武平一

鑿輿上碧天翠帟拖晴煙絕壘紆仙逕層崑敞御筵  
雲披丹鳳闕日下黑龍川更覩南薰奏流聲入管絃



奉和聖製登驪山高頂寓目應制

趙彥昭

皇情遍九垓御輦駐昭回路若隨天轉人疑近日來  
河看大禹鑿山見巨靈開願扈封鸞駕常持薦壽盃  
奉和聖製登驪山高頂寓目應制

李义

崖巘萬尋懸居高敞御筵行戈疑駐日步輦若升天  
城闕霧中近關河雲外連謬陪登岱駕忻奉濟汾篇  
奉和聖製登驪山高頂寓目應制

蘇頌

仙蹕御層盃高高積翠分崑聲中谷應天語半空聞  
豐樹連黃葉函關入紫雲聖圖恢寓縣歌賦少橫汾  
奉和聖製登驪山高頂寓目應制

崔湜

名山河壯哉玄覽一徘徊御路穿林轉旌門倚石開  
煙雲時後發河塞掌中來不學蓬壺遠經年猶未迴  
奉和聖製登驪山高頂寓目應制

張說

寒山上半空臨眺盡寰中是日巡游處晴光遠近同  
川明分渭水柳暗辨新豐崑壑清音暮天歌起大風



唐言類考 卷之二十一  
奉和聖製登驪山寫眺應制

張說

洞府寒山曲天遊日旰迴披雲看石鏡拂殿上金臺  
竹徑龍驂下松庭鶴轡來雙童還獻藥五色耀仙材  
冀北春望

崔湜

迴首覽燕趙春生兩河間曠然萬里餘際海不見山  
雨歇青林潤煙空綠野閒問鄉何處所目送白雲還

江樓夕望

崔湜

試陟江樓望悠悠去國情楚山霞外斷漢水月中平  
公子留遺邑夫人在舊城蒼蒼煙霧裏何處是咸京

望秦川

李頎

秦川朝望迥日出正東峰遠近山河淨透迤城闕重  
秋聲萬戶竹寒色五陵松客有歸與歎悽其霜露濃

三山望金陵寄殷淑

李白

三山懷謝眺水澹望長安蕪沒河陽縣秋江正北看  
盧龍霜氣冷鳩鵲月光寒耿耿憶瓊樹天涯寄一歡  
與賈舍人於龍興寺剪落梧桐枝望滄湖

李白

剪落青梧枝滄湖坐可窺雨洗秋山淨林光澹碧滋  
水閒明鏡轉雲繞畫屏移千古風流事名賢共此時



漢西寒望

杜甫

水色含群動朝光切太虛年侵頻悵望興遠一蕭疎  
猿挂時相學鷗行炯自如瞿塘春欲至定卜漢西居

曉望白帝城鹽山

杜甫

徐步移斑杖看山仰白頭翠深開斷壁絲遠結飛樓  
日出清江望暄和散旅愁春城見松雪始擬進歸舟

北固晚眺

竇常

水國芒種後梅天風雨涼露蠶開晚簇江燕遠危檣  
山趾北來固潮頭西去長年年此登眺人事幾銷亡

春日登吳門

崔塗

故國望不見愁襟難暫開春潮映楊柳細雨入樓臺  
靜少人同到晴逢鴈正來長安遠於日搔首獨徘徊

杭州江亭留題登眺

項斯

處處日馳銷憑軒夕似朝漁翁閒鼓棹沙鳥戲迎潮  
樹間津亭密城連塢寺遙因誰報隱者向此得耕樵

再到洪州望西山

松常樓此山

曹松

洪州向西顧不忍暫忘君記得瀑泉落省同幽鳥聞  
一迴經雨電長有剌風雲未定却棲息前頭江海分

隴上獨望

馬戴

斜日挂邊樹蕭蕭獨望間陰雲藏漢壘飛火照胡山



隴首行人絕河源夕鳥還誰爲立勲者可惜寶刀閒  
望九疑

朱慶餘

浮生猶役役未得便尋真白日如無路青山豈有人  
煙收遙岫小雨過晚川新倚杖何疑望中宵夢往頻  
遠望

崔塗

長爲鄉思侵望極卽沾襟不是前山色能傷愁客心  
平蕪連海盡獨樹隱雲深况復斜陽外分明有去禽

新開望山處

王建

新開望山處今朝減病眠應移千里道猶自數峰偏  
故欲遮春巷還來遶暮天老夫行步弱免到寺門前

寓目

李商隱

園桂懸心碧池蓮飮眼紅此生真遠客幾別卽衰翁  
小幌風煙入高窻霧雨通新知他日好錦瑟傍朱櫳

邊城獨望

馬戴

聊憑危堞望倍起異鄉情霜落蒹葭白山昏霧露生  
河灘胡鴈下戎壘漢鰲驚獨樹殘秋色狂歌淚滿纓

酬嚴中丞晚眺黔江見寄

白居易

江水三迴曲愁人兩地情磨圍山下色明月峽中聲  
晚後連天碧秋來徹底清臨流有新恨照見白鬚生

登樂遊原春望書懷

張九齡



原言類  
卷之二百一  
城隅有樂遊表裏見皇州策馬旣長遠雲山亦悠悠  
萬壑精光滿千門喜氣浮花間直城路草際曲江流  
憑眺茲爲美離居方獨愁已驚玄髮換空度綠萋柔  
奮翼籠中鳥歸心海上鷗旣傷日月逝且欲桑榆收  
豹變焉能及鸞鳴非可求願言從所好初服返林丘  
登樓望西山  
張九齡  
城樓枕南浦日夕顧西山宛宛鸞鶴處高高煙霧間  
仙井今猶在洪崖久不還金編惟我授羽駕亦誰攀  
簷際千峰遠雲中一鳥閑縱觀窮水國遊思遍人寰  
勿復塵埃事歸來且閉關

早秋與諸子號州西亭觀眺

岑參

亭高出鳥外客到與雲齊樹點千家小天圍萬嶺低  
殘虹挂陝北急雨過關西酒榼綠青壁瓜田傍綠溪  
微官何足道愛客且相攜唯有鄉園處依依望不迷

大庭庫

李白

朝登大庭庫雲物何蒼然莫辨陳鄭火空霾鄒魯煙  
我來尋梓慎觀化入寥天古水朔氣多松風如五絃  
帝圖終冥沒歎息滿山川

陪鄭公秋晚北池臨眺

杜甫



唐詩卷之二十一  
北池雲水閣華館闢秋風獨鶴元依渚衰荷且映空  
采菱寒刺上踏藕野泥中素楫分曹往金盤小徑通  
萋萋露草碧片片晚旗紅盃酒霑津吏衣裳與釣翁  
異方初豔菊故里亦高桐搖落關山思淹留戰伐功  
嚴城殊未掩清宴已知終何補參軍乏歡娛到薄躬  
奉和嚴中丞西城晚眺十韻

杜甫

汲黯匡君切廉頗出將頻直詞才不世雄畧動如神  
政簡移風速詩清立意新層城臨媚景絕域望餘旻  
海上蛟龍會樓頭燕雀馴地平江動蜀天濶樹浮秦

帝念深分閫軍須遠筭緡花羅封峽蝶瑞錦送麒麟  
辭第輸高義觀圖憶古人征南多興緒事業聞相親

京兆府試目極千里

劉得仁

獻賦多年客低眉恨且千此心常極矣縱目忽超然  
送驥登長路看鴻入遠天古墟煙幕幕窮野草綿綿  
樹與金城接山疑桂水連何當霽日無物翳平川

東樓南望八韻

白居易

不厭東南望江樓對海門風濤生有信天水合無痕  
鷁帶雲帆動鷗和雪浪翻魚鹽聚爲市烟火起成村  
日脚金波碎峰頭鈿點繁送秋千里鴈報暝一聲猿



已豁煩襟悶仍開病眼昏郡中登眺處無勝此東軒  
遠望 元稹

滿眼傷心冬景和一山紅樹寺邊多仲宣無限思鄉  
淚漳水東流碧玉波

別後西陵晚眺 元稹

晚日未拋詩筆硯夕陽空望郡樓臺與君後會知何  
日不似潮頭暮却迴

望江州 白居易

江迴望見雙華表知是潯陽西郭門猶去孤舟三四  
里水煙沙雨欲黃昏

望郡南山寄樂天 白行簡

臨江一嶂白雲間紅綠層層錦繡斑不作巴南天外  
意何殊昭應望驪山

和行簡望郡南山 白居易

反照前山雲樹明從君苦道似華清試聽腸斷巴猿  
叫早晚驪山有此聲

望少華三首 杜牧

身隨白日看將老心與青雲自有期今對晴峰無十  
里世緣多累暗生悲

文字波中去不還物情初與是非閒時名竟は無端



事羞對靈山道愛山  
眼看雲鶴不相隨何看塵中事作為好伴羽人深洞  
去月前秋聽玉參差

洛橋晚望

孟郊

天津橋下冰初結洛陽陌上人行絕榆柳蕭疎樓閣  
閒月明直見嵩山雪

驛中望山戲贈渭南陸贄主簿

盧綸

官微多懼事多同拙性偏無主驛功山在門前登不  
得鬢毛衰盡路塵中樂天

金陵晚望

高蟾

曾伴浮雲悲晚翠猶陪落日泛秋聲世間無限丹青  
手一片傷心畫不成

望中有懷

朱長文

龍向洞中銜雨出鳥從花裏帶香飛白雲斷處見明  
月黃葉落時聞擣衣

春眺揚州西崗寄于員外

蕪城西眺極蒼流漠漠春煙間曙樓瓜步早湖吞建  
業蒜山晴雪照揚州隋家故事不能向鶴在山池期  
我遊



唐言表及 卷之二十一 三五  
奉和太常韋主簿五郎温湯寓目

王維

漢主離宮接露臺秦川一半夕陽開青山盡是朱旗  
繞碧礧畚從玉殿來新豐樹裏行人度小苑城邊獵  
騎迴聞道甘泉能獻賦懸知獨有子雲才

江樓晚眺景物鮮奇吟翫成篇寄水部張員

外 白居易

澹煙疎雨間斜陽江色鮮明海氣涼  
蜃散雲收破樓閣虹殘水照斷橋梁  
海翻白浪花千片鴈點青天宇  
一行好著丹青圖寫處題詩寄與水曹郎

菩提寺上方晚眺 白居易

樓閣高低樹淺深山光水色暝沈沈  
嵩煙半卷青綃幕伊浪平鋪綠綺衾  
飛鳥滅時宜極目遠風來處好開襟  
誰知不離簪纓內長得逍遙自在心

松磁洞望峽中 劉禹錫

渡頭輕雨灑寒梅雲際溶溶雪水來  
夢渚草長迷楚望夷陵土黑有秦灰  
巴人淚應猿聲落蜀客船從鳥道回  
十二碧峰何處所永安宮外是荒臺

中渡晚眺 韋莊

魏王堤畔草如煙有客傷時獨扣舷  
妖氣欲昏唐社



稷夕陽空照漢山川千重碧樹籠春苑萬縷紅霞襯  
碧天家寄杜陵歸不得一回迴首一潸然

登新城縣贈蔡明府

方干

揚震東來是宦遊政成登此自消憂草中白道穿村  
去樹裏青溪照郭流縱目西山宜永日開襟五月似  
高秋不知縣籍添新戶但見川原桑柘稠

商驛樓東望有感

羅隱

山川去接漢江東曾伴隋侯醉此中歌遶夜梁珠宛  
轉舞嬌春席雪朦朧棠遺善政陰猶在薤送哀聲事  
已空惆悵知音竟難得兩行清淚白楊風

南昌晚眺

一作  
興

韋莊

南昌城郭枕江煙漳水悠悠浪拍天芳草綠遮仙尉  
宅落霞紅襯賈人船霏霏閣上千山雨嘒嘒雲中萬  
樹蟬怪得地多章句客庾家樓在斗牛邊

晚眺

羅隱

凭古城邊眺晚晴遠村高樹轉分明天如鏡面都來  
淨地似人心總不平雲向嶺頭閒不徹水流溪裏太  
忘生誰人得及莊居老免被榮枯寵辱驚

金陵晚眺

崔塗

葦聲騷屑水天秋吟對金陵晚渡頭千古是非輸蝶



夢一輪風雨屬漁舟若無仙分應須老幸有歸山卽  
合休何必登臨更惆悵本來身世只如浮

秋日望西陽

劉滄

古木蒼苔墜幾層行人一望旅情增太行山下黃河  
水銅雀臺邊武帝陵風入蒹葭秋色動雨餘楊柳暮  
煙凝野花似泣紅妝淚寒露滿枝枝不勝

白蕭關望臨洮

朱慶餘

玉關西路出臨洮風卷邊沙入馬毛寺寺院中無竹  
樹家家壁上有弓刀唯憐戰士垂金甲不尚遊人着  
白袍日暮獨吟秋色裏平原一望戍樓高

與龐復言攜酒望洞庭

朱慶餘

南湖春色通平遠貪記詩情忘酒盃帆自巴陵山下  
過雨從神女峽邊來青蒲映水疎還密白鳥翻空去  
復回盡日與君同看望了然勝見畫屏開

同趙進馬元陽春日登長春宮古城望河中

因寄鄭損倉曹

損進馬之舅

盧綸

城頭春靄曉濛濛指望關橋滿袖風雲騎閒嘶宮柳  
外玉人愁立草花中鐘分寺路山光綠河繞軍州日  
氣紅跡忝方戀賞此時離恨與君同

歲暮晚泊望廬山不見因懷岳僧呈察判



李建勳

貪程只為看廬阜及到停舟恨頗濃雲暗半空藏萬  
仞雪迷雙瀑在中峰林端莫辨曾遊路鳥際微聞向  
暮鐘長愧昔年招我入共尋香社見芙蓉

臨汎

臨汎東湖

時任洪州

張九齡

郡庭日休暇湖曲邀勝踐樂職在中和靈心挹上善  
乘流坐清曠舉目眺悠緬林與西山重雲因北風卷  
晶明盡不逮陰影鏡無辨晚秀復芬敷秋光更遙衍  
萬族紛可佳一遊豈能展羈孤忝邦牧顧已非時選

梁公世不容長孺心亦褊永念出籠繫常思退疲蹇  
歲徂風露嚴日恐蘭若剪佳晨不可得良會何其鮮  
罷興還江城閉關聊自遣

出湖寄趙冬曦

張說

川途倏忽間風景依如昨湘浦未賜環荆門猶主諾  
何時餘美人載酒遊宛洛

同宋少府東溪汎舟

李頎

登岸還入舟水禽驚笑語晚葉低衆色濕雲帶殘暑  
落日乘醉歸溪流復幾許

扈從溫泉同紫薇黃門群公汎渭川



蘇頲

見禮部扈從

陪群公龍岡寺汎舟

岑參

漢水天一色寺樓波底看鐘鳴  
長空夕月出孤舟寒  
映酒見山火隔簾聞夜灘  
紫鱗掣芳餌紅燭燃金盤  
良友與正愜勝遊情未闌  
此中堪倒載須盡主人歡  
雨晴後陪王員外汎後湖得溪字

獨孤及

遠山媚平楚宿雨漲清溪  
沿沂任舟楫歡言無町畦  
酒酣相視笑心與白鷗齊

同嚴逸人東溪汎舟

錢起

子陵江海心高跡此閒  
放漁舟在溪水曾是敦風尚  
朝霽收雲物垂綸獨清曠  
寒花古岸傍唳鶴晴沙上  
紛吾好貞逸不遠來相訪  
已接方外遠仍陪郢中唱  
歡言盡佳酌高興延秋望  
日暮浩歌還紅霞亂青嶂  
韋氏館與周隱客杜歸和汎舟

元稹

天色低澹澹池光漫油油  
輕舟閒繳繞不遠池上樓  
時物欣外獎真元隨內修  
神怡津藏滿氣委支節柔  
衆處豈自異曠懷誰我儔  
風車籠野馬八荒安足遊



開顏陸渾社握手靈都周持君寶珠贈頂戴頭上頭

秋池獨汎

白居易

蕭疎秋竹籬清淺秋風池一隻短舫艇一張斑鹿皮  
皮上有野叟手中持酒卮半酣箕踞坐自問身為誰  
嚴子垂釣日蘇門長嘯時攸然意自得意外何人知

南溪始汎三首

韓愈

榜舟南山下上上不得返幽事隨去多孰能量近遠  
陰沈過連樹藏昂抵橫坂石麤肆磨礪波惡厭牽挽  
或倚偏岸漁竟就平洲飯點點暮雨飄梢梢新月偃  
餘年慄無幾休日愴已晚自是病使然非由取高蹇

二

南溪亦清駛而無楫與舟山農驚見之隨我觀不休  
不惟兒童輩或有杖白頭饋我籠中瓜勸我此淹留  
我云以病歸此已頗自由幸有用餘俸置居在西疇  
困倉米穀滿未有旦夕憂上去無得得下來亦悠悠  
但恐煩里閭時有緩急投願為同社人雞豚燕春秋

三

足弱不能步自宜收朝蹟羸形可輿致佳觀安可擲  
卽此南坂下久聞有水石拖舟入其間溪流正清激  
隨波吾未能峻瀨乍可刺鷺起若導吾前飛數十尺



亭亭柳帶沙團團松冠壁歸時還盡夜誰謂非事役

臨江二首

王勃

汎汎東流水飛飛北上塵歸驂將別棹俱是倦遊人

二

去驂嘶別路歸棹隱寒洲江臯木葉下應想故城秋

段川獨汎

盧照隣

倚棹春江上橫舟石岸前山暝行人斷迢迢獨汎仙

北澗浮舟

孟浩然

北澗流恒滿浮舟觸處通沿澗自有趣何必五湖中

望鄉夕汎

駱賓王

歸懷到不安促榜犯風瀾落宿含樓近浮月帶江寒

喜逐行前志憂從望裏寬今夜南枝鵲應無繞樹難

汎舟侍宴應制

張易之

平明出御溝解纜坐迴洲綠水澄明月紅羅結綺樓

絃歌爭浦入冠蓋逐川流白魚臣作伴相對舞王舟

東湖臨汎餞王司馬

張九齡

南土秋雖半東湖草未黃聊乘風日好來汎芰荷香

蘭棹每勞速菱歌不厭長忽懷京洛去難與共清光

出湖寄趙冬曦

張說

西汎平湖盡參差入斷山東瞻岳陽郡汗漫太虛間



屈步同行樂道文互屢看山成上雲桂江亭臨水間  
臨汎汎舟趙仙舟自北庭罷使還京

岑參

白髮輪臺使邊功竟不成雲沙萬里地孤負一書生  
池上風回舫橋西雨過城醉眠鄉夢罷東望美歸程  
汎永嘉江日暮廻舟

張子容

無雲天欲暮轉鷁大江清歸路煙中遠廻舟月上行  
傍潭窺竹暗出嶼見沙明更值微風起乘流絲管聲  
梁州陪趙行軍龍岡寺北庭汎舟宴王侍御

岑參

誰宴霜臺使行軍粉署郎唱歌江鳥沒吹笛岸花香  
酒影搖新月灘聲聒夕陽江鐘聞已暮歸棹綠川長

漢江臨汎

王維

見水部漢

放船

杜甫

收帆下急水卷幔逐回灘江市戎戎暗山雲泠泠寒  
荒林無徑入獨鳥怪人看已泊城樓底何曾夜色闌

汎江

杜甫

方舟不用楫極目總無波長日容杯酒深江淨綺羅  
亂離還奏樂飄泊且聽歌故國流清渭如今花正多



唐言類苑 卷之三百一  
陪王使君晦日汎江就黃家亭子二首

杜甫

山豁何時斷江平不肯流稍如花改岸始驗鳥隨舟  
結束多紅粉歡娛恨白頭非君愛人客晦日更添愁

二

有徑金沙軟無人碧草芳野畦連蛺蝶江檻俯鴛鴦  
日晚煙花亂風生錦繡香不須吹急管哀老易悲傷

進船汎洛水

孫逖

禁園紆睿覽仙棹叶時游洛北風花樹江南彩畫舟  
芳生蘭蕙草春入鳳凰樓興盡離宮暮煙光起夕流

水西館汎舟送王員外

獨孤及

單醪敢獻醉曲沼荷經過汎覽親魚鳥黃綠涉菱荷  
劇談增惠愛美景借清和明日汀洲草依依柰別何

江陵晦日陪諸官汎舟

錢起

節物堪爲樂江湖有主人舟行深更好山趣久彌新  
罇酒平生意煙花異國春城南無夜月長柳莫留賓

南塘汎舟會元六昆季

韋應物

端居倦時燠輕舟汎迴塘微風飄襟散橫吹繞林長  
雲澹水容夕雨微荷氣涼一寫惰勤一作意寧用訴

一作華觴

唐詩類苑

卷之三百一

四



陪王明府汎舟

劉長卿

花縣彈琴暇，樵風載酒時。  
山含秋色近，鳥度夕陽遲。  
出沒鳧成浪，蒙籠竹亞枝。  
雲峰逐人意，來去解相隨。  
李留守相公見過池上汎舟舉酒話及翰林  
舊事因成四韻以獻之 白居易

引棹尋池岸，移樽就菊叢。  
何言濟川後，相訪釣船中。  
白首故情在，青雲往事同。  
同時六學士，五相一漁翁。

常州韋郎中汎舟見餞

李嘉祐

主人馮軾貴，送客汎舟稀。  
逼岸隨芳草，迴橈背落暉。  
映花雙節駐，臨水伯勞飛。  
醉與群公狎，春塘露冕歸。

陪盧明府汎舟迴

孟浩然

百里行春返，清流逸興多。  
鷁舟隨鴈沒，江火共星羅。  
已救田家旱，仍憂俗化訛。  
文章推後輩，風雅激頽波。  
高岸迷陵谷，新聲滿棹歌。  
猶憐下調者，白首未登科。  
自樂城赴永嘉枉路汎白湖寄松陽李少府

張子容

西行凝淺石，北轉入溪橋。  
樹色煙輕重，湖光風動搖。  
百花亂飛雪，萬嶺疊青霄。  
猿挂臨潭篠，鷗迎出浦橈。  
誰應賞心客，茲路不言遙。

省試晦日與同志昆明池汎舟



朱慶餘

故人同汎處遠色望中明靜見沙痕露微思月魄生  
周回餘雪在浩渺暮雲平戲鳥隨蘭棹空波盪石鯨  
劫灰難問理島樹偶知名自省曾追賞無如此日情

春池閒汎

白居易

綠塘新水平紅艦小舟輕解纜隨風去開襟信意行  
淺憐清演漾深愛綠澄泓白撲柳飛絮紅浮桃落英  
古文科斗出新葉剪刀生樹集鶯朋友雲行鴈弟兄  
飛沈皆適性酣詠自怡情花助銀盃裏松添玉軫聲  
魚跳何事樂鷗起復誰驚莫唱滄浪曲無塵可濯纓

汎洞庭

張說

平湖一望上連天秋景千尋下洞泉忽驚水面光華  
滿疑是乘舟到日邊

汎洞庭

尹恣

風光浙瀝草中飄日采熒熒水上搖幸奉瀟湘雲壑  
意山傍客與動仙橈

與謝良輔遊涇川陵巖寺

李白

乘君素舸汎涇西宛似雲門對若溪且從康樂尋山  
水何必東流入會稽

東魯門泛舟二首

李白



厚言類苑 卷之二 四七  
日落沙明天倒開波搖石動水縈迴輕舟汎月尋溪  
轉疑是山陰雪後來

水作青龍盤石堤桃花夾岸魯門西若教月下乘舟  
去何啻風流到剡溪

宴詞

王之渙

長堤春水綠悠悠畎入漳河一道流莫聽聲聲催去  
棹桃花淺處不勝舟

漫成

杜甫

江月去人只數尺風燈照夜欲三更沙頭宿鷺聯奉  
靜船尾跳魚撥刺鳴

白蓮池汎舟

白居易

白藕新花照水開紅窻小舫信風迴誰教一片江南  
興逐我慙慙萬里來

和韓吏部汎南溪

賈島

溪裏晚從池岸出石泉秋急夜深聞木蘭船共山人  
上月映渡頭零落雲

青門閒汎

皮日休

青翰虛徐夏思清愁煙漠漠荇花平醉來欲把田田  
葉盡裏當時醒酒鯖

奉和青門閒汎

陸龜蒙



唐詩類考 卷之三百一  
細槳輕擘下白蘋故城花謝綠陰新豈無今日逃名士試問南塘着屣人

城西陂汎舟

杜甫

青娥皓齒在樓船橫笛短簫悲遠天春風自盡牙檣動遲日徐看錦纜牽魚吹細浪搖歌扇燕蹴飛花落舞筵不有小舟能盪槳百壺那送酒如泉

上巳日越中與鮑侍郎汎舟耶溪

劉長卿

蘭橈縵一作萬轉傍汀沙應接雲峰到若耶舊浦滿來移渡口垂楊深處有人家永和春色千年在曲水鄉

心萬里賒君見漁船時借問前洲

一作桃源

幾路入煙花

三月李明府後庭汎舟

劉長卿

江南風景復如何聞道新亭更欲過處處紉蘭春浦淥萋萋藉草遠山多壺觴須就陶彭澤時俗猶傳晉永和更待持橈徐轉去微風落日水增波

湖上招客送春汎舟

白居易

欲送殘春招酒伴客中誰最有風情兩瓶箸下新求得一曲霓裳初教成排比管絃行翠袖指麾船舫點紅旌慢牽好向湖心去恰似菱花鏡上行

宿裴相公興化池亭兼蒙借船舫遊汎



白居易

林亭一出宿風塵忘却平津是要津松閣晴看山色  
近石渠秋放水聲新孫弘閣闢無閒客傳說舟忙不  
借人何似輪才濟川外別開池館待交親

酬杜補闕初春雨中汎舟次橫江喜裴郎中

相迎見寄

許渾

江館維舟爲庾公暖波微綠雨濛濛紅檣迤邐春巖  
下朱旆聯翩曉樹中柳滴圓波生細浪梅含香艷吐  
輕風郢歌莫問青山吏一作客魚在深池鳥在籠

送唐中丞開淘西湖夏日遊汎因書示郡人

朱慶餘

萍岸新淘見碧霄中流相去忽成遙空餘孤嶼來詩  
景無復橫槎礙柳條紅旆路幽山翠濕錦帆風起浪  
花飄共知浸潤同雷澤何慮川源有旱苗

和侯秀才同友生汎舟溪中相招之作

韋莊

嵇阮相將棹酒船晚風侵浪水侵舷輕如控鯉初離  
岸遠似乘槎欲上天雨外鳥歸吳苑樹鏡中人入洞  
庭煙憑君不用迴舟疾今夜西江月正圓

湖北有茅齋湖西有松島輕棹往返頗諧素



心因成四韻

方干

湖北湖西往復還朝昏只處自由間暑天移榻就深  
竹月夜乘舟歸淺山遶砌紫鱗欹枕釣垂簷野果隔  
窻攀古賢暮齒方如此多笑愚儒鬢未斑

陪王大夫汎湖

方干

去去陵晨迴見星木蘭舟穩畫梢輕白波潭上魚龍  
氣玉樹林中鷄犬聲密炬燒殘銀漢昃羽觴飛急玉  
山傾此時檢點諸名士却是漁翁無姓名

新夏東郊閒汎有懷襲美 陸龜蒙

遲於春日好於秋野客相攜上釣舟經畧約時冠暫

亞佩苓箬後帶頻搗蒹葭露起波搖笠村落蠶眠樹  
挂鈎料得祇君能愛此不爭煙水似封侯

奉和次韻新夏東郊閒汎 皮日休

水物輕明澹似秋多情才子倚蘭舟碧莎裳下攜詩  
草黃笈樓中挂酒筍蓮葉蘸波初轉棹魚兒簇餌未  
諳鈎共君莫問當時事一點沙禽勝五侯



唐詩類苑卷第一百十終

唐詩類苑卷第一百十一

明雲間張之象玄超甫纂輯

雲間唐仲賢晉卿甫編次

雲間王徹叔朗甫補訂

梁谿曹仁孫伯安甫校正

人部

懷古

詠懷古跡五首

杜甫

支離東北風塵際漂泊西南天地間  
三峽樓臺淹日月五溪衣服共雲山  
羯胡事主終無賴詞客哀時且



唐詩類列 卷之二百一  
未還庾信平生最蕭瑟暮年詩賦動江關  
搖落深知宋玉悲風流儒雅亦吾師悵望千秋一灑  
淚蕭條異代不同時江山故宅空文藻雲雨荒臺豈  
夢思最是楚宮俱泯滅舟人指點到今疑  
群山萬壑赴荆門生長明妃尚有村一去紫臺連朔  
漠獨留青塚向黃昏畫圖省識春風面環珮空歸月  
夜魂千載琵琶作胡語分明怨恨曲中論  
蜀主窺吳幸三峽崩年亦在永安宮翠華想像空山  
裏玉殿虛無野寺中古廟杉松巢水鶴歲時伏臘走  
村翁武侯祠屋長隣近一體君臣祭祀同

諸葛大名垂宇宙宗臣遺像肅清高三分割據紆籌  
策萬古雲霄一羽毛伯仲之間見伊呂指揮若定失  
蕭曹運移漢祚難恢復志決身殲軍務勞

河上公

張說

尊師厭塵去精魄知何明形氣不復生弟子空傷情  
濟北神如在淮南藥未成共期終莫遂寥落兩無名

太公哀晚遇

常建

日出渭流白文王畋獵時釣翁在蘆葦川澤無熊羆  
詔書起遺賢匹馬令致辭因稱江海人臣老筋力衰  
遲遲詣天車快快悟靈龜兵馬更不獵君臣皆共怡



同車至咸陽心影無磷緇四牡玉墀下一言爲帝師  
王侯擁朱門軒蓋曜長遠古來榮華人遭遇誰知之  
落日懸桑榆光景有頓虧倏悲天地人雖貴將何爲

商山四皓

李白

白髮四老人昂藏南山側偃臥松雪間冥翳不可識  
雪窻拂青靄石壁橫翠色龍虎方戰爭於焉自休息  
秦人失金鏡漢祖升紫極陰虹濁太陽前星遂淪匿  
一行佐明聖歛起生羽翼功成身不居舒卷在胸臆  
宵冥合元化茫昧信難測飛聲塞天衢萬古仰遺跡

四皓

溫庭筠

商於用里便成功一寸沈機萬古同但得戚姬甘定  
分不應真有紫芝翁

商山四皓

蔡京

秦末家家思逐鹿商山四皓獨忘機如何鬢髮霜相  
似更出深山定是非

蘇武

李白

蘇武在匈奴十年持漢節白鴈上林飛空傳一書札  
牧羊邊地苦落日歸心絕渴飲月窟水饑餐天上雪  
東還沙漠遠北愴河梁別泣把李陵衣相看淚成血

白毫子歌

李白



唐詩類文 卷之二百一  
淮南小山白毫子乃在淮南小山裏夜臥松下雪朝  
餐石中髓小山連綿向江開碧峰巉巖綠水迴余配  
白毫子獨酌流霞杯拂花弄琴坐青苔綠蘿樹下春  
風來南牕蕭颯松聲起憑厓一聽清心耳可得見未  
得親八公攜手五雲去空餘桂樹愁殺人  
經下邳圯橋懷張子房 李白  
子房未虎嘯破產不爲家滄海得壯士椎秦博浪沙  
報韓雖不成天地皆振動潛匿遊下邳豈曰非智勇  
我來圯橋上懷古欽英風唯見碧流水曾無黃石公  
歎息此人去蕭條徐泗空

歸沛縣道中晚泊留侯城 劉長卿

訪古此城下子房安在哉白雲去不反危堞空崔嵬  
伊昔楚漢時頗聞經濟才運籌風塵下能使天地開  
蔓草日已積長松日已摧功名滿青史祠廟唯蒼苔  
百里暮城遠孤舟川上迴進帆東風便轉岸前山來  
楚水澹相引沙鷗閑不猜扣舷從此去延首仍徘徊

望鸚鵡洲悲禰衡 李白

魏帝營八極蟻觀一禰衡黃祖斗筭人殺之受惡名  
吳江賦鸚鵡落筆超群英鏘鏘振金玉句句欲飛鳴  
鷺鷥啄孤鳳千春傷我情五嶽起方寸隱然詎可平



才高竟何施寡識冒大刑至今芳洲上蘭蕙不忍生  
板橋浦汎月獨酌懷謝眺 李白

天上何所有迢迢白玉繩斜低建章闕耿耿對金陵  
漢水舊如練霜江夜清澄長川瀉落月洲渚曉寒凝  
獨酌板橋浦古人誰可徵玄暉難再得灑酒淚填膺

王右軍

李白

右軍本清真瀟灑在風塵山陰遇羽客要此好鷺賓  
掃素寫道經筆精妙入神書罷籠鷺去何曾別主人

庾信宅作

張說

蘭城追宋玉舊宅偶詞人筆湧江山氣文驕雲雨神

包胥非救楚隨會返留秦獨有東陽守來嗟古樹春

嘲魯連子

韓愈

魯連細而黠有似黃鸚子田巴兀老蒼憐汝矜爪嘴  
開端要驚人雄跨吾厭矣高拱禪鴻聲若輟一杯水  
獨稱唐虞賢顧未知之耳

孫權故城下懷古兼送友人歸建鄴

劉長卿

雄圖爭割據神器終不守上下武昌城長江竟何有  
古來壯臺榭事往悲陵阜寥落幾家人猶依數株柳  
威靈絕想像蕪沒空林藪野徑春草中郊扉夕陽後



唐言類文 卷之二十一  
逢君從此去背楚方東走煙際指金陵潮時過湓口  
行人已何在臨水徒揮手惆悵不能歸孤帆沒雲久

漢武帝雜歌三首

韋應物

漢武好神仙黃金作臺與天近王母摘桃海上還感  
之西過聊問訊欲來不來夜未央殿前青鳥先徊翔  
綠鬢縈雲裾曳霧雙節飄飄下仙步白日分明到世  
間碧空何處來時路玉盤捧桃將獻君踟躕未去留  
彩雲海水桑田幾翻覆中間此桃四五熟可憐穆滿  
瑤池燕正值花開不得薦花開子熟安可期邂逅能  
當漢武時顏如芳華潔如玉心念我皇多嗜欲雖留

桃核桃有靈人間糞土種不生由來在道一作德豈在  
藥徒勞方士海上行掩扇一言相謝去如煙非煙不  
知處

金莖孤峙兮凌紫煙漢宮美人望杳然通天臺上月  
初出承露盤中珠正圓珠可飲壽可永武皇南面曙  
欲分從空下來玉杯冷世間綵翠亦作囊八月一日  
仙人方仙方稱上藥靜者服之常綽約柏梁沈飲自  
傷神猶聞駐顏七十春乃知其醲皆是腐腸物獨有  
澹泊之水能益人千載金盤竟何處當時鑄金恐不  
固蔓草生來春復秋碧天何言空隊露



漢天子觀風自南國浮世大江屹不前蛟龍索鬪風  
波黑春秋方壯雄武才彎弧叱浪連山開愕然觀者  
千萬衆舉麾齊呼一矢中死蛟浮出不復靈舳艫千  
里江水清鼓鼙餘響數日在天吳深入魚鱉驚左有  
飲飛落霜翼右有孤兒貫犀革何爲臨深親射蛟示  
威以奪諸侯魄威可畏皇可尊平田校獵書猶陳此  
日從臣何不言獨有威聲振千古君不見後嗣尊爲  
武

王敬伯歌

李端

妾本舟中客聞君江上琴君初感妾意妾亦感君心

遂出合歡被同爲交頸禽傳盃唯畏淺接膝猶嫌遠  
侍婢奏箜篌女郎歌宛轉宛轉怨如何中庭霜漸多  
霜多葉可惜昨日非今夕徒結萬重淚終成一宵客  
王敬伯綠水青山從此隔

東阿王

李商隱

國事分明屬灌均西陵魂斷斷來人君王不得爲天  
子半爲當時賦洛神

經檀道濟故壘

劉禹錫

萬里長城壞荒營野草秋秣陵多士女猶唱白符鳩

史云當時人歌曰可憐  
白符鳩枉殺檀江州



月言類及 卷之二十一  
梓潼望長卿山至巴西復懷譙秀

李商隱

梓潼不見馬相如更欲南行問酒壚  
行到巴西覓譙秀巴西唯是有寒蕪

阮籍嘯臺

賈島

如聞長嘯春風裏荆棘叢邊訪舊蹤  
地接蘇門山近遠荒臺突兀抵高峰

靈均

黃滔

莫問靈均昔日遊江籬春盡岸楓秋  
至今此事何人雪月照楚山湘水流

湘夫人

李頎

九嶷日已暮三湘雲復愁  
宵靄羅袂色潺湲江水流  
佳期來北渚捐珉在芳洲

湘夫人

郎士元

蛾眉對湘水遙哭蒼梧山萬乘既已歿  
孤舟誰忍還至今楚竹上猶有淚痕斑  
南有涪陽路渺渺多新愁桂酒神降時  
迴風江上秋彩雲復無處碧水空安流

湘妃

劉長卿

帝子不可見秋風來暮思  
嬋娟湘江月千載空蛾眉

湘妃

李賀



唐言類考 卷之二十一  
筠竹千年老不死長伴秦娥蓋湘水蠻娘吟弄滿寒  
空九山靜綠淚花紅離鸞別鳳煙梧中巫雲蜀雨遙  
相通幽愁秋氣上青楓涼夜波間吟古龍

湘妃

陳羽

二妃怨處雲沈沈二妃怨處湘江深商人酒滴廟前  
草蕭颯風生斑竹林

浣紗篇贈陸上人

宋之問

越女顏如花越王聞浣紗國微不自寵獻作吳王娃  
女一作山數半潛匿苧蘿更蒙遮一行覆勾踐再顧傾  
夫差豔色奪常人數頻亦相誇一朝還舊都覩粧尋

若耶鳥驚入松網魚畏沈荷花始覺冶容妾方悟群  
心邪欽子秉幽意世人共稱嗟願言托君懷倘類蓬  
生麻家住雷門曲高閣凌飛霞淋漓翠羽帳旖旎采  
雲車春風豔楚舞秋月纏胡笳自昔專嬌愛襲玩唯  
吟奢達本知空寂棄波猶泥沙永割偏執性自長薰  
修茅攜妾下鄣道來上妾西家

西施

李白

西施越溪女出自苧蘿山秀色掩今古荷花羞玉顏  
浣紗弄碧水自與清波閒皓齒信難開沈吟碧雲間  
勾踐徵絕豔揚蛾入吳關提攜館娃宮杳渺詎可攀



唐言類考 卷之二十一  
一破夫差國千秋竟不還

西施

蘇拯

吳王從騎佚天產西施出豈徒伐一人所希救群物  
良由上天意惡盈戒奢侈不獨破吳國不獨生越水  
在周名褒姒在紂名妲已變化本多塗生殺亦如此  
君王政不修立地生西子

題西施浣紗石

胡幽貞

一朝入紫宮萬古遺芳塵至今溪邊花不敢嬌青春

西施

羅隱

家國興亡自有時吳人何苦進西施西施若解傾吳

國越國亡來又是誰

越溪女

于濇

會稽山上雲化作越溪人枉破吳王國徒為西子身  
江邊浣紗伴黃金扼雙腕倏忽不相期思傾趙飛燕  
妾家基業薄空有如花面嫁盡綠窻人獨自盤金線

上元夫人

李白

上元誰夫人偏得王母嬌嗟哦三角髻餘髮散垂腰  
表披青毛錦身着赤霜袍手提羸兒女閒與鳳吹簫  
眉語兩自笑忽然隨風飄

李夫人三首

李商隱



一帶不結心兩股方安髻慙愧白茅人月沒教星替

二

刺結茱萸枝多擘秋蓮的獨自有波光綵囊盛不得

三

蠻絲繫條脫妍眼和香屑壽宮不惜鑄南人柔腸早  
被秋眸割清澄有餘幽素香鰥魚渴鳳真珠房不知  
瘦骨類冰井更許夜簾通曉霜土花漠碧雲茫茫黃  
河欲盡天蒼蒼

貝宮夫人

李賀

丁丁海女弄金環雀釵翹揭雙翅關六宮不語一生

閒高懸銀榜照青山長眉凝綠幾千年清涼堪老鏡  
中鸞秋肌稍覺玉衣寒空光帖妥水如天

漂母岸

崔國輔

泗水入淮處南邊古岸存秦時有漂母于此飯王孫  
王孫初未遇寄食何足論後為淮陰侯誓欲答母恩  
事跡遺在此空傷千載魂前臨雙小渚上有一孤墩  
遙望淮陰口蒼蒼煙樹昏幾年崩塚色每日落潮痕  
古地多陘阨時哉不敢言向昔淚沾裳出宿蘆洲村

莫愁曲

李賀

草生龍坡下鴉噪城堞頭何人此城裏城角栽石榴



青絲繫五馬黃金絡雙牛白魚駕蓮船夜作十里遊  
歸來無人識暗上沈香樓羅衣倚瑤瑟殘月傾簾鈎  
今日槿花落明朝桐樹秋莫負平生意何名何莫愁

宮妓

李商隱

珠箔輕明拂玉墀披香新殿鬪腰肢不須看盡魚龍  
戲終遣君王怒偃師

薊丘覽古贈盧居士藏用七首

并序

陳子昇

丁酉歲吾北征出自薊門歷觀燕之舊都其城池  
霸迹已蕪昧一作沒矣乃慨然仰歎憶昔樂生鄒子

群賢之遊盛矣回登薊樓作六詩以志之寄終南  
盧居士亦有軒轅遺跡也

軒轅臺

北登薊丘望求古軒轅臺應龍已不見牧馬生黃埃  
尚想廣成子遺跡白雲隈

燕昭王

南登碣石館遙望黃金臺丘陵盡喬木昭王安在哉  
霸圖悵已矣驅馬復歸來

樂生

王道已淪昧戰國競貪兵樂生何感激仗義下齊城



雄圖竟中天遺歎寄阿衡

燕太子

秦王日無道太子怨亦深一聞田光義七首贈千金  
其事雖不立千載爲傷心

田光先生

自古皆有死狗義良獨稀柰何燕太子尚使田光一作  
疑伏劍誠已矣感我涕沾衣

鄒子

大運淪三代天人罕有窺鄒子何寥廓謾說九瀛垂  
興亡已千載今也則無推

郭隗

逢時獨爲貴歷代非無才隗君亦何幸遂起黃金臺

龍門八詠

劉長卿

秋山日搖落秋水急波瀾獨見魚龍氣長令煙雨寒  
誰窮造化力空向兩崖看

水東渡

山葉傍崖赤千峰秋色多夜泉發清響寒渚生微波  
稍見沙上月歸人爭渡河

福公塔

寂寞對伊水經行長未還東流自朝暮千載空雲山



唐詩卷之二十一  
誰見白鷗鳥無心洲渚間

遠公龕

松路向精舍花龕歸老僧閒雲隨錫杖落日低金繩  
入夜翠微裏千峰明一燈

石樓

隱隱見花閣隔河映青林水田秋鴈下山寺夜鐘深  
寂寞群動息風泉清道心

下山

誰識往來意孤雲長自閒風寒未渡水日暮更看山  
木落衆峰出龍宮蒼翠間

水西渡 一作西渡水

伊水搖鏡光纖鱗如不隔千龕道傍古一鳥沙上白  
何事還山雲能留向城客

渡水

日暮下山來千山暮鐘發不知波上棹還弄山中月  
伊水連白雲東南遠明滅

巫山懷古

劉希夷

巫山幽陰地神女艷陽年襄王何容色落日望悠然  
歸來高堂夜金缸焰青煙頽想臥璠席夢魂何翩翩  
搖落殊未已榮華倏徂遷愁思瀟湘浦悲涼雲夢田



媛啼秋風夜鴈飛明月天巴歌不可聽聽此益潺湲  
巫山之陽香溪之陰明妃神女舊跡存焉

蔣 冽

神女歸巫峽明妃入漢宮搗衣餘石在薦枕舊臺空  
行雨有時渡溪流何日窮至今詞賦裏悽愴寫遺風

登敬亭山南望懷古贈竇主簿

李 白

敬亭一迴首目盡天南端仙者五六人常問此遊盤  
溪流琴高水石聳麻姑壇白龍降陵陽黃鶴呼子安  
羽化騎日月雲行翼鴛鸞下視宇宙間四溟皆波瀾

決絕目下事從之後何難百歲落半途前期浩漫漫  
強食不成味清晨起長歎願隨子明去鍊火燒金丹

商洛山行懷古

張九齡

園綺值秦末嘉遁此山阿陳迹向千古荒途始一過  
碩人久淪謝喬木自森羅故事昔嘗覽遺風今豈訛  
泌泉空活活樵叟獨皤皤是處清暉滿從中幽興多  
長懷赤松意復憶紫芝歌避世辭軒冕逢時解薜蘿  
盛明今在運吾道竟如何

峴山懷古

李 白

訪古登峴首憑高眺襄中天清遠峰出水落寒沙空



弄珠見遊女醉酒懷山公感歎發秋興長松鳴夜風  
峴山懷古 陳子昂

秣馬臨荒甸登高覽舊都猶悲墮淚碣尚想臥龍圖  
城邑遙分楚山川半入吳丘陵徒自出賢聖幾凋枯  
野樹蒼煙斷津樓晚氣孤誰知萬里客懷古正踟蹰

君山懷古

劉禹錫

屬居八十一此地阻長風千載威靈盡頽山寒水中

過商山

僧貫休

疊疊嵐嵐寒紅塵翠裏盤前程有名利此路莫艱難  
雲木侵天老輪蹄到月殘何能尋四皓過盡見長安

攜妓登梁王樓霞山孟氏桃園中

李白

碧草已滿地柳與梅爭春謝公自有東山妓金屏笑  
坐如花人今日非昨日明日還復來白髮對綠酒強  
歌心已摧君不見梁王池上月昔照梁王樽酒中梁  
王已去明月在黃鸝愁醉啼春風分明感激眼前事  
莫惜醉臥桃園東

橋山懷古

舒元興

軒轅厭代千萬秋淥波浩蕩東南流今來古往無不  
死獨有天地長悠悠我乘驛騎到中部古聞此地為



渠搜橋山突兀在其左荒榛交鎖寒風愁神仙天下  
亦如此况我感役同蜉蝣誰言衣冠塋其下不見弓  
劍何人收哀喧叫笑牧童戲陰天月落狐狸遊  
皇墳立人極車輪馬跡無不周洞庭張樂降  
鹿大戰摧蚩尤智男神天不自大風后力牧輸長籌  
襄城迷路問童子帝鄉歸去無人留崆峒求道失遺  
跡荆山鑄鼎餘荒丘君不見黃龍飛去山下路斷鬚  
成草風颼颼

玉山

李商隱

玉山高與閬風齊玉水清流不貯泥何處更求迴日

馭此中兼有上天梯珠容百斛龍休睡桐拂千尋鳳  
耍棲聞道神仙有才子赤簫吹罷好相攜

西塞山懷古

劉禹錫

西晉樓船下益州金陵王氣漠然收千尋鐵鎖沈江  
底一片降幡出石頭人世幾回傷往事山形依舊枕  
寒流從今四海爲家日故壘蕭蕭蘆荻秋

北邙山

羅隱

一種山前路入秦高山堪愛此傷神魏明未死虛留  
意莊叟雖生的滿巾何必更尋無主骨也知曾有弄  
權人羨他緱嶺吹簫客閒傍雲頭看俗塵



齒坐呈山南諸隱

孟浩然

習公有遺坐高在白雲陲  
樵子見不識山僧賞自知  
以余為好事攜手一來窺  
竹露閒夜滴松風清晝吹  
從來抱微尚况復感前規  
于此無奇策蒼生奚以為

山亭懷古

張洪靖

叢石依古城 泉灑清池高低衰丈內 相蔽虧  
歸田竟何 為群豈所宜誰能辨大野寄適聊在斯

和山亭懷古

韓 察

公府政多暇思與仁智全  
為山想崑穴引水聽潺湲  
軒冕迹自逸塵俗無由牽  
蒼生方矚望詎得賦歸田

和山亭懷古

高情樂閒放寄跡山水中  
朝霞鋪座右虛白貯清風  
潛竇激飛泉石路躋且崇  
步武有勝槩不與俗情同

和山亭懷古

崔公信

疊石狀崖巘翠含城上樓  
前移盧霍峰遠帶沅湘流  
瀟灑主人靜黃綠芳徑幽  
清輝在昏旦豈異東山遊

和山亭懷古

陸 灑

激水瀉飛瀑寄懷良在茲  
如何謝安石要結東山期  
入座蘭蕙馥當軒松桂滋  
于焉悟幽道境寂心自怡

和山亭懷古

胡 証

唐詩頁七  
卷之三百一  
八



飛泉天台狀峭石蓬萊姿潺湲與翠  
居然盡精道得以書妍詞豈無他山勝懿此清軒墀  
和山亭懷古  
高 銖

鬪石類巖巘飛流瀉潺湲遠壑簷宇際孤鸞雉堞間  
何必到海嶽境幽機自間茲焉得高趣高步謝東山

和山亭懷古

張 賈

中庭起崖谷漱玉下漣漪丹丘誰云遠寓象得心期  
豈不貴鍾鼎至懷在希夷唯當蓬萊閣靈鳳復來儀

和山亭懷古

李德裕

巖石在朱戶風泉當翠樓始知峴亭賞難與清輝留

餘景澹將夕凝風輕欲收東山有歸志亦接赤松遊

遊溧陽北湖亭望瓦屋山懷古贈同旅

一作贈孟

浩然

李 白

朝登北湖亭遙望瓦屋山天青白露下始覺秋風還  
遊子托主人仰觀眉睫間日色送飛鴻邈然不可攀  
長吁相勸勉何事來吳關聞有真義女振窮溧水灣  
清光了在眼白日如披顏高墳五六墩萃兀棲猛虎  
遺跡翳九泉芳名動千古子胥昔乞食此女傾壺漿  
運開展宿懷入楚鞭平王凜冽天地間聞名若懷霜  
壯夫或未達十步九太行與君拂衣去萬里同翱翔



春日陪楊江寧及諸官宴北湖感古作

李白

昔聞顏光祿攀龍宴京湖樓船入天鏡帳殿開雲衢  
君王歌大風如樂豐沛都延年獻佳作邈與詩人俱  
我來不及此獨立鍾山孤楊宰穆清風芳聲騰海隅  
英僚滿四座粲若瓊林敷鷁首弄倒景蛾眉綴明珠  
新絃採梨園古舞嬌吳歛曲度繞雲漢聽者皆歡娛  
鷄棲何嘈嘈江月沸笙竽古之帝宮苑今乃人樵蘇  
感此勸一觴願君覆瓢壺榮盛當作樂無令後賢吁

郢城懷古

李百藥

客心悲暮序登墉瞰平陸林澤宵芊綿山川鬱重複  
王公資設險名都拒江隩方城次北門壯觀章華築  
人世更盛衰吉凶良倚伏遽見鄰交斷仍覩賢臣逐  
南風忽不競西師日侵蹙運圯屬驅馳時屯恣歎朴  
莫救夷陵火無復秦庭哭鄢郢遂丘墟風塵俄慘黷  
狐兔時遊踐霜露日霑沐一作曲池平神臺增  
宇覆陣雲埋夏首窮陰慘荒谷悵矣洲壑遷悲哉年  
祀倏雖異三春望終傷千里目

過漢故城

吳少微

大漢昔未定強秦猶擅場中原逐鹿罷高祖鬱龍驤



經始謀帝座茲焉壯未央規模窮棟宇表裏浚城隍  
群后崇長樂中朝增建章勾陳被蘭綺樂府奏芝房  
翡翠明珠帳鴛鴦白玉堂清晨寶鼎食閒夜鬱金香  
天馬來東道佳人傾北方何其赫隆盛自謂寶靈長  
曆數有時盡哀平嗟不昌冰堅成巨猾火德遂頽綱  
奧位匪虛校貪夫竟速亡魂神吁社稷豹虎鬪巖廊  
金狄移灞岸銅盤向洛陽君王無處所年代幾荒涼  
宮闕誰家域蒸蕪習我裳井田唯有草海水變爲桑  
在昔高門內于今岐路傍餘基不可識古墓列成行  
狐兔驚魍魎鴟鳥嚇獠狂空城寒月晚平野暮雲黃

烈烈樊

一作樊

青棘蕭蕭吹白楊千秋并萬歲

一作萬歲後

空使詠歌傷

北使長城

王無競

秦世築長城長城無極已募兵四十萬興工九千里  
死人亂如麻白骨相撐委殫弊未云悟窮毒豈知止  
胡塵未北滅楚兵遽東起六國遂置置兩龍鬪鬻鬻  
卯金竟握讖反壁俄淪祀仁義寢邦國徂暴行終始  
一旦咸陽宮翻爲漢帝朝一作市

再登河陽城懷古

朱延

客遊倦旅思憩駕陟崇墉元凱標奇跡安仁擅美蹤



遠遠濁河溜出浸青山峰佇想空不極懷古悵無從  
舜城懷古 項斯

禪禹遜堯聰巍巍盛此中四隅咸啓聖萬古賴成功  
道德去彌遠山河勢不窮停車一再拜帝業即今同

白帝城懷古

陳子昂

日落滄江晚停橈問土風城臨巴子國臺沒漢王宮  
荒服仍周甸深山尚禹功巖懸青壁斷地險碧流通  
古木生雲際歸帆出霧中川途去無限客思坐何窮

漢壽城春望

古制州刺史治亭下有子胥廟兼楚王古墳

劉禹錫

漢壽城邊野草春荒祠古墓對荆榛田中牧豎燒芻  
狗陌上行人看石麟華表半空經霹靂碑文纔見滿  
埃塵不知何日東瀛變此地還成要路津

初冬從幸漢故青門應制 沈佺期

青門長安城東出南頭第一門也民見門色青名  
曰青城門或曰青門門外舊出佳瓜廣陵人邵平  
為秦東陵侯秦破為布衣種瓜青門外瓜美故時  
人謂之東陵瓜本名霸城門亦曰青綺門

漢王建都邑渭水對青門朝市俱東逝墳陵共北原  
荒涼蕭相闕蕪沒邵平園全盛今何在英雄復重論



唐言類文 卷之二十一  
故基仍嶽立遺堞尚雲屯當極土功壯安知人力煩  
天遊戒東首懷昔駐龍軒何必金湯固無如道德藩  
微臣諒多幸參乘偶殊恩預此陳古事敢奏興亡言  
夷門歌  
王維  
七雄雄雌猶未分攻城殺將何紛紛秦兵益圍邯鄲  
急魏王不救平原君公子爲羸停駟馬執轡愈恭意  
愈下亥爲屠肆鼓刀人羸乃夷門抱關者非但慷慨  
獻竒謀意氣兼將身命酬向風刎頸送公子七十老  
翁何所求

東歸晚次潼關懷古

岑參

暮春別鄉樹晚景抵津樓伯夷在首陽欲往無輕舟  
遂登關城望下見洪河流自從巨靈開流血千萬秋  
行行潘生賦赫赫曹公謀川上多往事淒涼滿空洲

出蕭關懷古

陶翰

驅馬擊長劍行役至蕭關悠悠五原上永眺關河前  
北虜二十萬此中常控弦秦城亘宇宙漢帝埋旌旃  
刁斗鳴不息羽書日夜傳五軍計莫就三策議空全  
大漠橫萬里蕭條絕人煙孤城當瀚海落日照祈連  
愴然苦寒奏懷哉式微篇更悲秦樓月夜夜出胡天

蒲關西道中作

李山甫



國東王氣凝蒲關樓臺帖出晴空間紫煙橫捧大舜  
廟黃河直打中條山地鎖咽喉千古壯風傳歌吹萬  
家閒來來去去身依舊未及潘年鬢已斑

古大梁行

高適

古城莽蒼饒荆榛驅馬荒城愁殺人魏王宮觀盡禾  
黍信陵賓客隨灰塵憶昨雄都舊朝市軒車照耀歌  
鐘起軍容帶甲三十萬國步連營五千里全盛須臾  
那可論高臺曲池無復存遺墟但見狐狸迹古地空  
餘草木根暮天搖落傷懷抱撫劍悲歌對秋草俠客  
猶傳朱亥名行人尚識夷門道白壁黃金萬戶侯寶

刀駿馬填山丘年代淒涼不可問往來唯見水東流

邵陵作

張謂

嘗聞虞帝苦憂人祗爲蒼生不爲身已道一朝辭北  
極何須五月更南巡昔時文武皆銷鑠今日精靈長  
寂寞斑竹年來笋自生白蘋春盡花空落遙望零陵  
見舊丘蒼梧雲起至今愁唯餘帝子千行淚添作瀟  
湘萬里流

登廣武古戰場懷古

李白

秦鹿奔野草逐之若飛蓬項王氣蓋世紫電明雙瞳  
呼吸八千人橫行起江東赤精斬白帝叱咤入關中



兩龍不並躍五緯與天同楚滅無英圖漢興有成功  
按劍清八極歸酣歌大風伊昔臨廣武連兵決雌雄  
分我一杯羹太皇乃汝翁戰征有古跡壁壘頽層穹  
猛虎吟洞壑饑鷹鳴秋空翔雲列曉陣殺氣赫長虹  
撥亂屬豪聖俗儒安可通沈洎呼豎子狂言非至公  
撫掌黃河曲咄咄阮嗣宗

登樂遊廟懷古

豆盧回

緬維漢宣帝初謂皇曾孫雖在襁褓中亦遭巫蠱冤  
至哉丙廷尉感激義彌敦馳逐蓮勺道出入諸侯門  
一朝風雲會竟登天位尊握符昇寶曆負辰御華軒

赫奕文物備歲鞋休瑞繁卒爲中興主垂名於後昆  
雄圖奄已謝餘址空復存昔爲樂遊苑今成狐兔園  
朝見牧豎集夕聞棲鳥喧蕭條灞亭岸寂寞杜陵原  
羃歷野煙起蒼茫嵐氣昏二曜屢迴薄四時更涼溫  
天道尚如此人理安可論

樂遊

李商隱

春夢亂不記春原登已重青門弄煙柳紫閣舞雲松  
拂硯輕水散開樽綠酒濃無悰託詩遣吟罷更無悰

樂遊原

李商隱

萬樹鳴蟬隔斷虹樂遊原上有西風羲和自赴虞泉



宿不放斜陽更向東

夜渡吳松江懷古

宋之問

宿帆震澤口曉渡松江濱  
擢發魚龍氣舟衝鴻雁群  
寒潮頓覺滿暗浦稍將分  
氣赤海生日光清湖起雲  
水鄉盡天衛歎息爲吳君  
謀士伏劍死至今悲所聞

題橫江館

杜牧

孫家兄弟晉龍驤  
馳騁功名業帝王至竟江山誰是  
主苔磯空屬釣魚郎

曲江

李商隱

望斷平時翠輦過  
空聞子夜鬼悲歌  
金輿不返傾城

色玉殿猶分下苑波  
死憶華亭聞唳鶴  
老憂王室泣銅駝  
天荒地變心雖折  
若比陽春意未多

浙江晚渡懷古

劉滄

蟬噪秋風滿古隄  
荻花寒渡思淒淒  
潮聲歸海鳥初下  
草色連江人自迷  
碧落晴分平楚外  
青山晚出穆陵西  
此來一見垂輪者  
却憶舊居明月溪

西江懷古

杜牧

上吞巴漢控瀟湘  
怒似連山淨鏡光  
魏帝縫囊真戲劇  
符堅投筆更荒唐  
千秋釣舸歌明月  
萬里沙鷗弄夕陽  
范蠡清塵何寂寞  
好風唯屬往來商



廣武懷古

楊浚

河水城下流登程望彌愜海雲飛不斷岸草綠相接  
龍門無舊城武牢有遺堞扼喉兵易守捫指計何捷  
天奪項氏謀卒成漢家業鄉山遙可見西顧淚盈睫

洛川懷古

劉希夷

萋萋春草綠悲歌牧征馬行見白頭翁坐泣青竹下  
感歎前問之贈余辛苦詞歲月移今古山河更盛衰  
晉家都洛濱朝廷多近臣詞賦歸潘岳繁華稱季倫  
紫一作梓澤春草非河陽亂華飛綠珠不可奪白首同  
所歸高樓倏冥滅茂林久摧折昔時歌舞臺今成狐

兔穴人事互消亡世路多悲傷北邙是吾宅東嶽爲  
我鄉君看北邙道髑髏繁蔓草芳闕  
碑塋或半存荆棘斂幽魂揮涕棄之去不忍聞此言

潤州二首

杜牧

句吳亭東千里秋放歌曾作昔年遊青苔寺裏無馬  
跡綠水橋邊多酒樓大抵南朝皆曠達可憐東晉最  
風流月明更想桓伊在一笛聞吹出塞愁

謝眺詩中佳麗地夫差傳裏水犀軍城高鐵瓮橫強

琴潤州城孫權築號爲鐵瓮柳暗朱樓多夢雲畫角愛飄江北去

釣歌長向月中聞揚州塵土試迴首不惜千金借與



君

陪宋中丞武昌夜飲懷古 李白

清景南樓夜風流在武昌庾公愛秋月乘興坐胡牀  
龍笛吟寒水天河落曉霜我心還不淺懷古醉餘觴

武昌懷古

戰國城池盡悄然昔人遺迹遍山川笙歌罷吹幾多  
日臺榭荒涼七百年蟬響夕陽風滿樹鴈橫秋島雨  
來天傷嗟世事如流水空見蘆花一釣船

丹陽行

孫逖

丹陽古郡洞庭陰落日扁舟此路尋傳是東南舊都

處金陵中斷碧江深在昔風塵起京都亂如燬雙闕  
戎虜間千門戰場裏傳聞一馬化爲龍南渡衣冠亦  
願從石頭橫帝里京口拒戎鋒青楓林下迴天蹕杜  
若洲前轉國容都門不見河陽樹輦道唯聞建業鐘  
中原悠悠幾千里欲掃攬捨未云已英雄傾奪何紛  
然一盛一衰如逝川可憐宮觀重江裏金鏡相傳三  
百年自從龍見聖人出六合車書混爲一昔年王氣  
今何在併向長安就堯日荆榛古木閉荒阡共道繁  
華不復全赤縣唯餘江樹月黃圖半入海人煙暮來  
山水登臨遍覽古愁吟淚如霰唯有空城多白雲春



風澹蕩無人見

永嘉行

張籍

黃頭鮮卑入洛陽。胡兒持戟升明堂。晉家天子作降虜。公卿奔走如牛羊。紫陌旌旛暗相觸。家家鷄犬驚上屋。婦令出門隨亂兵。夫死眼前不敢哭。九州諸侯自曠土。無人領兵來顧主。北人避胡皆在南。南人至今能晉語。

故絳行

杜頽

君不見銅鞮觀數里。城池已蕪漫。君不見祈禱宮。幾重臺榭亦微蒙。介馬兵車全盛時。歌童舞女妖艷姿。

一代繁華皆共絕。九原唯望塚纍纍。

公安縣懷古

杜甫

野曠呂蒙營。江深劉備城。寒天催日短。風浪與雲平。灑落君臣契。飛騰戰伐名。維舟倚前浦。長嘯一含情。

過當塗縣

韋莊

客過當塗縣。停車訪舊遊。謝公山有墅。李白酒無樓。采石華空發。烏江水自流。夕陽誰共感。寒露立汀洲。

上元縣

韋莊

南朝三十六英雄。角逐興亡盡此中。有國有家皆是夢。為龍為虎亦成空。殘花舊宅悲江令。落日青山弔



唐言類考卷之二十一  
謝公止竟霸圖何物在石麟無主臥秋風

過內黃縣

韋莊

相州吹角欲斜陽。匹馬遙鞭宿內黃。僻縣不容投刺客。野陂時遇射鵰郎。雲中粉堞新成壘。店後荒郊舊戰場。猶指去程千萬里。秣陵煙樹在何鄉。

過故宋舊都

駱賓王

舊國千年盡荒城。四望通雲浮非隱。帝日舉類遊童。綺琴朝化洽祥石。夜論空馬去遙奔。鄭地分近帶豐池。水斂束水竹影漏寒叢。園兔承行月川禽避斷風。故宋誠難定從梁。事未工唯當過周。客獨愧吳臺空。

宋中十首

高適

出門望終古。獨立悲且歌。憶昔魯仲尼。悽悽此經過。衆人不可向。伐樹將如何。

逍遙漆園吏。冥沒不知年。世事浮雲外。閒居大道邊。古來同一馬。今我亦忘筌。

五霸遞征伐。宋人無戰功。解圍幸奇說。易子傷吾衷。唯見盧門外。蕭條多轉蓬。

常愛宓子賤。鳴琴能自親。邑中靜無事。豈不由其身。何意千年後。寂寥無此人。

闕伯去已久。高丘臨道傍。人皆有兄弟。爾獨爲參商。



終古猶如此而人安可量。

梁王昔全盛賓客復多才悠悠一千年陳跡唯高臺  
寂寞向秋草悲風千里來

朝臨孟諸上忽見芒碭間赤帝終已矣白雲長不還  
時清更何有禾黍徧空山

景公德何廣臨變莫能欺三請皆不忍妖星終自移  
君心本如此天道豈無知

梁苑白日暮梁山秋草時君王不可見修竹令人悲  
九月桑葉盡寒風鳴樹枝

登高臨舊國懷古對窮秋落日鴻鴈度寒城砧杵愁

昔賢不復有行矣莫淹留

宋中

耿 漳

日暮黃雲合年深白骨稀舊林喬木在秋草遠人歸  
廢井莓苔厚荒田路徑微唯餘近山色相對似依依

宋中

耿 漳

百戰無軍食孤城陷虜塵爲傷多易子翻弔淺爲臣  
漫漫東流水悠悠南陌人空思前事日向晚淚沾巾

過宋州

李 端

睢陽陷虜日外絕救兵來世亂忠臣死時清相主哀  
荒郊春草遍古壘野花開欲爲將軍噐長流水不迴



魯西至東平

高適

沙岸泊不定石橋水橫流問津見魯俗懷古傷家丘  
寥落千載後空傳褒聖侯

懷魯

程彌綸

曲阜國尼丘山周公邈難問夫子猶啓關履風雩  
若見游夏興兮魯顏天孫天孫何爲今兮學且難負  
星明而東遊閑閑

建鄴懷古

楊乘

故城故壘滿江濱盡是干戈舊苦辛見此卽須知帝  
力生來便作太平人

鄴都懷古

劉滄

昔時霸業何蕭索古木唯多鳥雀聲芳草自生宮殿  
處牧童誰識帝王城殘春楊柳長川迥落日蒹葭遠  
水平一望青山便惆悵西陵無主月空明

經過建業

劉滄

六代興衰曾此地西風露泣白蘋花煙波浩渺空亡  
國楊柳蕭條有幾家楚塞秋光晴入樹浙江殘雨晚  
生霞淒涼處處漁樵路鳥去人歸山影斜

建康

羅隱

潮平遠岸草侵沙東晉衰來最可嗟庾翼已能窺帝



室王郎還是預人家山寒老樹啼風曲泉暖枯骸動  
齒牙欲起九原看一遍秦淮聲急日西斜

涉洛川

李商隱

通谷陽林不見人我來遺恨古時春  
宓妃漫結無窮恨不爲君王殺灌均

灌均陳王之典籤  
諸諸王于文帝者

洛陽

杜牧

文爭武戰就神功時似開元天寶中  
已建玄戈收相土應迴翠帽過離宮  
侯門草滿宜寒兔洛浦沙深下塞鴻  
疑有女娥西望處上陽煙樹正秋風

洛陽長句二首

杜牧

草色人心相與閒是非名利有無間  
橋橫落照照虹堪畫樹鎖千門鳥自還  
芝蓋不來雲杳杳仙舟何處水潺潺  
君王謙讓泥金事蒼翠空高萬歲山  
天漢東穿白玉京日華浮動翠光生  
橋邊遊女環珮委波底上陽金碧明月鎖  
名園孤鶴唳川酣秋夢鑿龍聲連昌繡嶺行宮在玉輦何時父老迎

趙城懷古

曹鄴

邯鄲舊公子騎馬又鳴珂手揮白玉鞭  
不避五侯車閒愁春日短沽酒入倡家  
一笑千萬金醉中贈秦娃如今高原上  
樹樹白楊花



春過趙墟有作

劉言史

下馬邯鄲陌頭歇寂寥崩隧臨車轍古柏重生枝亦  
乾餘潦見風幽燄滅白蒿微  
紫槿新行人感此復  
悲春

秦原覽古

于漬

耕者戮力地龍虎曾角逐火德道將亨夜逢虵母哭  
昔日望夷宮是處尋桑穀漢祖竟為龍趙高徒指鹿  
當時行路人已合傷心目漢祚又千年秦原草還綠

咸陽覽古

沈佺期

咸陽秦帝居千載坐盈虛版築林光盡壇場雷聽疎

野橋疑望日山火類焚書唯有驪峰在空聞厚葬餘

咸陽

李商隱

咸陽宮闕鬱嵯峨六國樓臺豔綺羅自是當時秦一作

天帝醉不關天一作秦地有山河

咸陽懷古

陳上美

山連河水碧氛氲瑞氣東移擁聖君秦苑有花空笑  
日漢陵無主自侵雲古槐堤上鶯千囀遠渚沙中鷺  
一群賴與淵明同把菊煙郊四望夕陽曛

咸陽懷古

劉滄

經過此地無窮事一望淒然感廢興渭水故都秦二



唐詩類苑 卷之二百一  
三四  
世咸原秋草漢諸陵天空絕塞聞邊鴈葉盡孤村見  
夜燈風景蒼蒼多少限寒山半出白雲層

咸陽懷古

劉兼

高秋咸鎬起霜風秦漢荒陵樹葉紅七國鬪鷄方賈  
勇中原逐鹿更爭雄南山漠漠雲常在渭水悠悠事  
旋空立馬舉鞭遙望處阿房遺址夕陽東

蜀城懷古

劉希夷

蜀山遶水竹吳天積風霜窮覽通表裏氣色何蒼蒼  
舊國有年代青樓思豔妝古人無歲月白骨冥荒岡  
寂歷彈琴地幽流一作讀書堂玄龜埋卜室采鳳滅

詞場陣圖一一在柏樹雙雙行鬼神清漢廟烏雀參

秦倉歎世已多感懷心益自傷一作歎遊日已賴蒙

靈丘境時當一作明月光

蜀國偶題

錢翊

忽憶明皇西幸時暗傷潛恨竟誰知佩蘭應語宮臣  
道莫向金盤進荔枝

蜀都道中作

劉兼

劍關雲棧亂崢嶸得喪何由險與平千載龜城終失  
守一堆鬼錄謾留名季年心不延昏主薄賞那堪激  
懦兵李特後來多二世納降歸擬盡公卿



汴河懷古

杜牧

錦纜龍舟隋煬帝平臺複道漢梁王遊人間起前朝  
念折柳孤吟斷殺腸

汴河

羅鄴

煬帝開河鬼亦悲生民不獨力空疲至今哽咽東流  
水似向清平怨昔時

新豐作貽殷四校書

儲光羲

漢皇思舊邑秦地作新豐南出華陽路西分長樂宮  
安知天地久不與昔年同鷄犬暮聲合城池秋霽空  
分字從此去望極咸陽中不見芸香閣徒思文雅雄

過新豐

溫庭筠

一劍乘時帝業成沛中鄉里到咸京寰區已作皇居  
貴風月猶含白社情泗水舊亭春草遍千門遺瓦古  
苔生至今留得離家恨鷄犬相聞落照明

鴻門行

袁瓘

少年買意氣百金不辭費學劍西入秦結交北遊魏  
秦魏多報人與代亦殊倫由來不相識皆是暗相親  
寶馬青絲轡狐裘貂鼠服晨過劇孟遊暮投咸陽宿  
然諾本云云諸侯莫不聞猶思百獸術更逐李將軍  
始從灞陵下遙遙度朔野北地風聞歌南庭見胡馬



唐言類考 卷之二百一  
胡馬秋正肥相邀夜合圍戰酣烽火滅路斷救兵稀  
白刃縱橫逼黃塵飛不息虜騎血灑衣單于淚沾臆  
獻凱雲臺中自言塞上雄將軍行失勢部曲遂無功  
新人不如舊舊人不相救萬里長飄飄十年計不就  
棄置難重論驅馬度鴻門行看楚漢事不覺風塵昏  
寶劍中夜撫悲歌聊獨舞此曲不可終曲終淚如雨

鴻溝

張碧

毒龍銜日天地昏八紘變黷生愁雲秦原走鹿無藏  
處紛紛爭處蜂成群四溟波立鯨相吞蕩搖五嶽崩  
山根魚蝦舞浪狂  
鯤龍虵膽戰登鴻門星旗羽鏃

強者尊黑風白雨東西屯山河  
拆人煙分壯士鼓  
勇君王存項莊憤氣吐不得亞夫斗聲天上聞玉光  
墮地驚崑崙留侯氣魂吞太華舌頭一寸生陽春神  
農女媧愁不言虵枯老媪啼淚痕星曹定秤秤王孫  
項籍骨輕迷精魂沛公仰面爭乾坤須臾垓下賊星  
起歌聲繚繞悽人耳吳娃捧酒橫秋波霜天月照空  
城壘力拔山兮呼到此騅嘶懶渡烏江水新豐瑞色  
生樓臺西楚寒嵩哭愁鬼三尺霜鳴金匣裏神光一  
八千里漢王驟馬意氣生西南掃地迎天子

垓下懷古

僧棲一



唐詩類苑  
卷之二十一  
三十一  
緬想咸陽事可嗟楚歌哀怨思無涯八千子弟歸何  
處萬里鴻溝屬漢家弓指近前爭日月血流垓下定  
龍蛇拔山力盡烏江水今古悠悠空浪花

唐詩類苑卷第一百十一終



